

Xapa ke m̄itiuti'uuximayats̄ie m̄itikuxata

WIXÁRIKA

**INFORME**

**RICARDO VILLANUEVA**

RECTOR GENERAL



UNIVERSIDAD DE  
GUADALAJARA  
Red Universitaria e Institución Benemérita de Jalisco

2022



UNIVERSIDAD DE  
GUADALAJARA

UNIVERSIDAD DE GUADALAJARA

**Dr. Ricardo Villanueva Lomelí**  
Rector General

**Dr. Héctor Raúl Solís Gadea**  
Vicerrector Ejecutivo

**Mtro. Guillermo Arturo Gómez Mata**  
Secretario General

CONSEJO DE RECTORAS Y RECTORES

COORDINACIÓN GENERAL EJECUTIVA

**Mtra. Paola Lyccette Corona Gutiérrez**  
Coordinadora General de Planeación y Evaluación

**Mtro. Rafael Serrano González**  
Secretario de la Coordinación General de Planeación y Evaluación

COORDINACIÓN TÉCNICA Y LOGÍSTICA

**Mtro. José Martínez Graciliano**  
Coordinador de Evaluación

DIAGRAMACIÓN, EDICIÓN Y DISEÑO

Luis Alonso González Carranza  
Luis Enrique Sánchez Salas

EDICIÓN Y CORRECCIÓN DE ESTILO

Rogelio Villarreal Macías  
Sandra Elizabeth Hernández Zamora

TRADUCCIÓN Y CORRECCIÓN ORTOGRÁFICA EN  
WIXÁRIKA (VARIANTE TASTEIKÍE, SAN ANDRÉS COHAMIATA, JALISCO)

Lisbeth Kupuri Bonilla Carrillo  
Maura Waxie Carrillo Sotero  
Felix Kwixuri Bonilla Carrillo

D.R. © 2023, Universidad de Guadalajara

Avenida Juárez 976  
C.P. 44100, Guadalajara, Jalisco  
www.udg.mx

Este informe de actividades se terminó de editar en mayo de 2023.

Se prohíbe la reproducción, el registro o la transmisión parcial o total de esta obra por cualquier sistema de recuperación de información, existente o por existir, sin el permiso previo por escrito del titular de los derechos correspondientes.



# Contenido

<b>Hekiatsika</b>	<b>10</b>		
<b>'Íkitiarikapa metá heekwatí 'Íkitiarika 'ayuyexeyatí</b>	<b>14</b>		
<b>1.1 Yunaimé parekumekí warayexeyatí</b>	<b>14</b>		
1.1.1 Kite 'íkitiarika miwa'uuximayátsie	16		
1.1.2 Ke meypaimeti memayetei	17		
1.1.3 Hehekwate memanutayaxike	18		
1.1.4 'Ataxewíme metsayari mukatetiatí	19		
1.1.5 Niitiarika	20		
1.1.5.1 Matíari kiekataari tsiere miire yeyari	20		
1.1.5.2 Naki'ériyarika	21		
<b>1.2 Mitíheekwa tsiere 'Íkitiarika 'així 'anéti miyuwaune</b>	<b>22</b>		
1.2.1 'Íkitiarikátsie te'uuximayátaamete	22		
1.2.2 'Íkitiarika 'així reyuku'uuximayátatí	22		
<b>1.3 'Així 'iyaari naimetsie tiyuwenatí</b>	<b>24</b>		
1.3.1 Miratíneika yatíuti'yití yeyarítsie timieme metá wichi tiwewiyarite	24		
1.3.2 Waikarípa	24		
1.3.3 'Ahurawa metá 'eetewa memítakíka ya memí'aaxé	25		
<b>1.4 Waíka mairáheekíá 'íkitiarikátsie títa mirayuye'atía metá 'íkitiarika heekwatí</b>	<b>26</b>		
<b>Yeikiya metá makina maiyá kímána waiká mítíyuwewiekakí</b>	<b>28</b>		
<b>2.1 Hauriwekamepa maiyákámekí wewíyarika 'uuximayátsikayari</b>	<b>28</b>		
2.1.1 SNI tsiere SNCA	28		
2.1.2 'Íkitiarika 'uuximayátaamete tsiere títa memíteyeyeketiwe ke pai maiyá memíte'akatetía	30		
2.1.3 Yeikiya 'Utiarikayari	31		
2.1.4 Yeikiya 'utiarikayari hipame wahamatía yunití	32		
<b>2.2 Makina maiyá kímána waiká mítíyuwewiekakí</b>	<b>33</b>		
2.2.1 Xapate manayetuiwa mítíhekiata maiyákámekí wewierikate	33		
2.2.2 Xapate hehekwa wewiyarikate mihí	33		
		2.2.3 Mayukumaika maiyá wewíyarika	35
		<b>2.3 Metiniitíariwatí kehate maiyá yeikiyátsie waikáwa memíyiwawe</b>	<b>35</b>
		2.3.1 Kwitiwa me'anutahatíariwatí maiyá yeikiyátsie	35
		2.3.2 Tsauriwekapa teyi'íkitiwaamete tirikayemeki memíniitíkani	36
		<b>2.4 Waíka maheekíá títa mirayuye'atía maiyá yeikiya metá makina maiyá hetsie timieme</b>	<b>38</b>
		<b>'Etwimeki kiekari ke mítíyí'íwiya</b>	<b>40</b>
		<b>3.1 Yurienaka yi'íwiyatí, pareku yukimáiwatí</b>	<b>40</b>
		<b>3.2 Hauriwekamepa 'uuximayátsikaya hakewa meuye'atíka</b>	<b>43</b>
		3.2.1 'Uuximayátsika miyuyeweyi kwiniya mikaxuaweniki	43
		3.2.2 Kiekarítsie mayíitarikaapa	44
		3.2.3 Hauriwekamepa Kíya	45
		<b>3.3 Hipame wahamatía tumini 'uuximayátsika mayuyexeyi</b>	<b>46</b>
		3.3.1 Kite tumini 'uuximayátsikayari miwayuweriya	46
		3.3.2 Xapa niuki mayukaweriyi yimiiretí wa'uuximayátsika	47
		<b>3.4 Waíka maheekíá 'etwimeki kiekari ke mítíyí'íwiya</b>	<b>48</b>
		<b>Yeyari mayukumaikakí</b>	<b>50</b>
		<b>4.1 Witsi tiwewiya mítíyuwewie metá miyutani'awanikí</b>	<b>50</b>
		4.1.1 Yeyari mayutinenetíwa	50
		4.1.1.1 Feria Internacional del Libro	50
		4.1.1.2 Festival Internacional de Cine Wararakarapa	52
		4.1.1.3 Wichi 'ixiarari tíirí metá teemari wahetsie mieme: Papirolas	53
		4.1.1.4 Kwikari Naitarie Mieme 'Ixiarariyari mayutinenetíwa Wararakarapa	53
		<b>4.2 Kí kiekári pinieya</b>	<b>54</b>
		<b>4.3 Hauriwekamepa yeyarieya tiwiyakame</b>	<b>54</b>
		4.3.1 Hauriwekamepa 'iyaarieya metá 'així 'iyaari miyehane yeyarieya	54
		4.3.2 Yaxeikía metexeyarietí	56
		4.3.3 Mayíitarikátsie te'uuximayátaamete	56
		4.3.4 Hauriwekamepa ke mítíyí'uuximayáta tsiere ke mítíyí'iniata	57
		4.3.4.1 PDI hekwatiarika	57

4.3.4.2 Muyu'iarixi 'iwarika 'umapai miemetetsie	58
4.3.5 Ke paimeti tumini muyutixitía	60
4.3.5.1 Tumini menakaní'awá 'iitsikame wanapaiti makáwe tsiere 'eena hurawa muuwe	60
4.3.5.2 Tumini tahetsie ke temite'i'iwaxi	61
4.3.5.3 Heekiakameki tumini ke pai mitiuyuxitía	61
4.3.6 Yaxeikia ti'aneneme memiteheuxeiyani	62
4.4 Waika maheekia mirayue'atia yeiyari mayúheekiatatsie	64
<b>'Imakieri matiwameki</b>	<b>66</b>
<b>Memaka'uxa kehate memi'iarixi</b>	<b>70</b>

# Hekiatsika

Wararakara Hauriwekamepa (Universidad de Guadalajara) xapaya Ley Orgánica ke mayetaine, kename ke mitiu'yutiyuuri hekiatsikaya xuaweni 'iiki kuruxi mipai mireikuhana, nepiyiwairitia nemiheekiataki Honorable Consejo General Universitario (HCGU) wahixie, yaxeikia memikaniere 'iitsikáte memanuká'u metá yunaiti kiekataari, teyi'ikitiwaamete, te'ikitaamete, maiyá yeikiwaamete, te'uximayataamete metá yunaiti kiekataari memanuhane wahetsia 'iiki nauka wiitaari 'uuximayátsikayari nepiheekiata.

Karitsiku kwieyaritsie metá Wararakara Hauriwekamepa warita timiireti 'uuxi ti'aneneti pīranutineika wiitaari miyexiririmetsie, kimana tirikaiyemeki tepiteti'ixiariwa 'aixi temite'akuyuruwaniki mipai 'iiki Hauriwekamepa ke mireyuku'iyaaaritia naiti mirayuye'atiwaniki. Reingeniería tiyuteriwati muyutsutia hiiki 'eena temiwiyarietsioe, miiki tsi 'ayiweka pitatua waikáwa 'aixi mirakuyineniki naitisarie Hauriwekamepa kiya manu'utikatsie, maana yiwaireti 'aixi 'aneti 'uuximayátsika piyuyetua naitisare kiekaripa.

'Ikitiarika-maiyá hekwati ya tiyuyeweyarimekaku 'ayumieme Wararakara Hauriwekamepa 'aixi pīrekuwe, Mekikutsie metá naitisarie kwie mumantikatsie kehate Hauriwekamepatsixi wapai mema'u 'aixi memi'aneneki miiki tahauriwekamepa piwani'i. 'Iiki 2022 wiitaari, miyiane Instituto Internacional para la Educación Superior de América Latina y el Caribe (IESALC) rawiyati Organización de las Naciones Unidas para la Educación, la Ciencia y la Cultura (UNESCO), miiki mipai putayi kename tahauriwekamepa 'ayewe yi'aixiwimetsie tsaurixikate kehate 'uuximayátsika tinakemeki memakatetia 'ukári, 'ukítsi ya xeikia memite'aye'akaki.



Nauka wiyari meutinena ta'uuximayátsika temutsutia, 'aana mitiyetia teyi'iki-tiwaamete mepuyutimiriixi 38,000 reuyeta mepiyupaime ri. Wararakara Hauriwekamepa piyuhokia 110 municipio hetsie 'enna Karitsiku 125 municipio meyuxeiyatsie. Hepaina tsiere, ke meyupaimeti hauriwekamepa tsiere hairieka 'etsikwera memiteyu'ikitia Jalisco kwieyaritsie miiki hixiapa me'ati reuyeta meyupaimeti Wararakara Hauriwekamepa mepayetei.

'Apaíta, tumini parewiya 'umawekaku ya kanuaximekaku yatiti Hauriwekamepa piyuweriya kimana waikáwa matsi teemari tsiere 'iimarixi memeixeiyani hakewa meteyuta'ikitiani. Hiiki ta'uuximayatsikatsie pitatsi'utinii Centro Universitario de Tlajomulco, yaxeikia tsiere Tlaquepaque (CUTLAQUEPAQUE) metá Chapala (CUCHAPALA). Hepaina tsiere, 2022 miyi H. Consejo General Universitario ya pituuxá kename Centros Universitarios Temáticos mititetewa pitari Centros Universitarios Regionales 'akine, miiki panuyine kename waikáwa 'aixi ti'ananeme tiyetuani teyi'ikitiwaamete Yetapa Kiekaripa memitama wahetsia, kariki tsi 'ahurawa miireti 'ikitiarika neyuyexata.

Wararakara Hauriwekamepa yeiyari hepaitsita timiireme miti'uuximayáki, kimana waikáwa wewiyate ratinetiwati, me kami Feria Internacional del Libro, ya 'aimieme kiekari Guadalajara payeitia Capital Mundial del Libro, Meki-kutsie 'iiki matiari yapitiuyi, Latinoamérica hetsie ri ta hairieka, pai putayi UNESCO kename naitarie kwiepa mumanetika teiwari muyuniukatsie naurieka kiekaripatsie ya ti'aneti rayutinetia.

Wairitiarika nepiyetua Honorable Consejo General Universitario wahetsia, hepaina kawiterutsixi wahixie, 'apaíta teyi'ikitiwaamete wa'ukitsiema (STAU-DEG, SUTUDG Y FEU), paina yunaime teyi'ikitiwaamete, te'ikitaamete, maiyá 'iyeikiwaamete, te'uuximayátaamete metá yunaiti kiekataari; nauka wiyari temuweiya 'uuximayátsika teyeweyati xeparewiya, xeteitsiya, xehekwatiarika te'ayexeyati, tahauriwekamepa mireku'iyaari hepai. Tepiyeweyani ta'uuximayátsika tirikaiyeme kimana Hauriwekamepa yumainiakame temuuekaki,

kiekari kwiniyaya metá weriyayá 'ayexeyame, tamaye 'iyaari mirekuwewiya hepai, xei tsuariyayatsie teyiniti.

"Ke ne'a'iyaritiaka, ke tine'uuximayáka"

**Dr. Ricardo Villanueva Lomeli**

Rector General

# 1. ‘íkitiarikapa metá heekwati ‘íkitiarika ‘ayuyexeyati

## 1.1 Yunaima parekumeki warayexeyati

Wararakara Hauriwekamepa pihiki ‘iitsikame kuruxieya ‘íkitiarika mihi tata-tariwekapa yaxeikia tsiere hauriwekamepa. Karitsiku 125 municipios mexei-yatsie Hauriwekamepa 110 paimemetsie piti’uximayá, ‘íkitiarika yetuati 12 regiones hetsie mexeiya ‘etsitaru. Kiya ‘ipai pireku’iniatsie, 18 centros univer-sitarios, 8 ki hetsiena rawiyatikaiti, painatsiere xeime Sistema de Educación Media Superior (SEMS) pexeiya, hetsie pirawiya 175 paimeti ‘etsikwera ma-nu’utika preparatoria miyetua 71 paimemetsie ki ‘apapati metá 104 ki yakipe-peti ‘eena Karitsiku mu’utika, tsiere xeime pexeiya Sistema de Universidad Virtual (SUV). Miiki ri centros universitarios mutiuyuteriwatika hetsie, ma-na UDEG pexeiya 6 hixiapa kiekaripa ti’uukame, pexeiya ta 12 ‘atewa paiti ‘u’utikaime, centros regionales tiuyuteriwati, hepaina 8 ki yamemepi. Mitiyia-ne 2022 wiyari puyutiwewi ki hauriwekamepa Tlaquepaque (CUTLAQUE-PAQUE) tsiere Chapala (CUCHAPALA), miiki yutsutiarika ‘íkitiarikatsie mepiyetuanu matiaru mayuxaxata 5 carreras huutarieka mieme ta 2, meyuniti mepiwaranuwipa 295 teyi’ikitiwamete ‘iiki makamietsie 2023-A.



### 1.1.1 Kite 'íkítarika mīwa'uuximayátsie

Naitsarie Hauriwekamepa kiya mu'utikátsie, 2022 wiyaritsie piyu'iniataxi 4,863 paimeti ki mitiwayu'íkita, 1,024 paiti miranuyexeyariwa kiyari tsiere 285 mitiwatiwewiwa kiyarite, hepaina 202 ki xapate mīwa'uuti, 70 paimeti ki mitiwatixaxatsiwa ya memiwayutitemawiwa y 366 ki mitiwatiwaikati. Parewiya titewati Mil Aulas, rawiyati 'amipa parewiyátsie Prioridades, miiki piyetua 'iparite hepaina meexate pai reyukuwareti kename ki mitiwa'íkítarie 'aixi rekuniitkani, kimana 'íkítarika-maiyá 'aixi tiyuyeweyani, metá tsiere naitsiere ki 'aixi yaxeikia heuti'aneneni, piinite tinakeme tiyuparewiwame heyuxeyati, tsiere piyuyetuaxia pantallas LCD de 65", pintarrones, metá 'aixi pituyutiyuri, pituyutihekariyaxi piinite yiwikita hekiarika miyetua metá letreros. Mitiyukatsutia 2019 'uti'ati 2022 piyutihekariyaxi, putiniitarie 2,897 paimeti ki mitiwa'íkítarie, miiki panuyine kename 60% paimeti 'uyuti'uuximayataxi Hauriwekamepa kiya.



Xapa niuki mayukaxewiriya muyuxirikie CUTLAQUEPAQUE meuyuyepitsie

Yaxeikia tsiere, teyi'íkítarika waniuki 'anuyu'enieka kename tita me-teheuyehiwa yamemutiya yuvotación hetsie 2020 wiitaari, piyu'uuximaya parewiya Tus Prioridades; hetsiena piyutixiri 15,642,543; hairieka 'etsikwerarayari mayu'íkita piyutiwewi 11 ki gimanasios, tsiere 6 'etsikwerapa piyutini canchas miireti waikari mayutiwaika. Ya xeikia, tumini puyukumayia paimeti \$35,500,000 kimana pituyutinani piinite tiwaikáriwame, tinanautsame, ki tai-tana kwaxiya xixitiwame puyutiwewi, piinite kimana tiyutemawiwame, piinite ti'utame, bicicletas 'uutame, paina tsiere hipati canchas puyutihekariyaxi.

### 1.1.2 Ke meypaimeti memayetei

'íkítarika wiyari 2022-2023 mepu'iniatsie 329,641 meypaimeti teyu'íkítarika memaka'uxá UDEG, tatsiari memayetei hauriwekamepa, tsauriwekapa, tatataripa, 'etsikwera hairieka, hekiaripa memayetei metá tsiere virtual, miiki yunaiti. 'Iiki wiyaritsie mepiti'irixi 1.6%, mi ri ta 2019-2020 paiti 'uwa miratiyune meputimiirixi 13% paimemeki. 'Iiki panuyine, nauka wiitaari hikia matiyune yu'iniatati kename 38 mil meypaimeti teyi'íkítarika me'utana-ki'eriwaxi memiteyu'íkítarika Wararakara Hauriwekamepa, maana 25,570 meypaiti hauriwekamepa mepika'uwa 'apaita ta 12,471 preparatoria.

**Tapira 1. Wiyari miyemie ke meypaimeti memayuka'itwa, 2019-2020 'uti'ati 2022-2023**

Ke mititewa	Wiyari				Ke memiteyewerime 2019 - 2022
	2019-2020	2020-2021	2021-2022	2022-2023	
Red Universitaria	291,600	310,845	324,340	329,641	13.0%
Centros universitarios regionales	129,426	136,674	137,597	139,406	7.7%
SUV	3,945	4,569	5,317	5,631	42.7%
SEMS	158,229	169,602	181,426	184,604	16.7%

Mitawewi: CGPE wewiya AE 2022 maiyayátsie yuparewieti, tapira 1.1.1 maiyá 'utiniereti septiembre 2022.



Wararakara Hauriwekamepa hepaitsita pimatariya 'ikitiarika yemeki 'aixi mi'aane miwayetuirieka kehate memayetei. Mitiyiane 2022, meyupaimeti 163,599 preparatoria teyi'ikitiwaamete ki 'etsikwera tinakeme 'aixi mi'ane-netsie mepayetekai, yunaiti ke memiyupaimi miiki meteheuhanati 88.5%, metá 2019 wiitaari 'uwa matiyune meputimiriixi 14.3% paimemeki. Hauriwekame-pa miti'aane, 2022 wiyari 95.5% meyupaimeti teyu'ikitiwaamete mepaka'ukai 'ikitiarika 'utsikayari wapai mahekikiatsie 'aixi mi'anekiki.

Tsauriwekamepa hetsie timieme, 2022 wiitaaritsie pai meputiyua Subdirección de Educación Superior de la Secretaría de Educación Pública matia Consejo Nacional de Ciencia y Tecnología (CONACYT), kename kumawere parewiya Programa Nacional de Posgrados de Calidad (PNPC). Yatiti, 2022 ke'aaneti 'útsika 'ikitiarika ke mitiyu'uuximayáta (programas educativos) meyuxeyakai PNPC 'umawekakutiti, miiki 'akuxi yaxeikia pimatitwa kemitiwayaki 'aixi mi'aanekiki. Mipaiti, 2022 mitiyiane mepuyuti'iniatsie meyupaimeti 4,822 teyi'ikitiwaamete me'aka'úti 'ikitiarika ke mitiyu'uuximayáta kemitiwayaki 'aixi mi'aanenetsie. Yunaiti ke memiyupaimi miiki ri panuyine 73.1% meyupaimeti maana me'aka'úxa, metá 2019 matia yuxeyati mepiti'iriixi 7.4% paimemeki.

### 1.1.3 Hehekuate memanutayaxike

Haika wiyari piyuyeweiya, mitiyiane hairieka 'etsikwera mirayu'ikitatsie naiti tita mireuyewekai 'aixi pituyutiyuri, miyuta'uuximayáta parewiya Pre-pas UDEG: Un lugar para todos, kimana memitanaki'eriwaki yunaiti (100%) memayuka'itiwa metá yuxapate naime memitetyetuya. Tumini parewiyatiti kayuti'iraku, 'aiki ke meyupaimeti memayuka'itia 'iiki 2022-2023 wiyaritsie mepanutahaxia 2,562 paimemeki tawari 'emeyupaimeti, panuyine kename me'utawerixi 4.2% paimemeki.

**Tapira 2. Hikia matiyune ke meyupapaíti teyu'ikitiwaamete memanutahake haika 'ikitiarikatsie, wiyaru 2020-B 'uti'ati 2023-A wiyari**

Ke mititewa	2020-B	2021-A	2021-B	2022-A	2022-B	2023-A
Red Universitaria	41,360	24,075	38,922	22,643	39,575	24,552
Bachillerato General	37,455	21,824	35,362	20,918	36,417	22,556
Bachillerato Técnico y Profesional Medio	3,905	2,251	3,560	1,725	3,158	1,996

Mitawewi: CGPE wewiya AE 2022 maiyayatsie yuparewieti, tapira 1.3.2 maiyá'utiniereti enero 2023.

### 1.1.4 'Ataxewime metsayari mukatetiati

Parewiya 'ataxewime metsayari mukatetiati (semestre base) pituukatsutia 2019 ki 'ikitiarika mumexia yetuati heiwa 'apai yu'aurie me'ukuxexeriwati heiwa ri ta virtual hetsie me'anutayaxiketiti miiki haika 'ikitiarikatsie memanutayaxe, A wiyari memayuka'itiwa. Miiki 'uuximayátsika 'ipai pireuyuku'iyaaritsie 'fkitiarika tirikariyame mumexia teyu'ikitiwaamete memanukawi 'aixi memiteyehuniki piwaparewiwaame. Agosto 2022, meputixatsie memaka'utsie 2023-A wiyaritsie, meyupaimeti 24,552 teyi'ikitiwaamete 66 'etsikwera mu'utikatsie; miiki 18,716 meyupaimeti mepu'iarixi 'ataxewime metsayari mukatetiati hetsie 'aana 2022, tatsiari panuyine, yunaiti ke meyupaimeti memutanaki'eriwaxi 76.2% meyupaimeti 'iiki parewiyatsie mepanutayaxixi; miiki teemari, 'imarixi mepukuxeyaxia 350 grupos hetsie, metá mepiwaranutayatsaxi 1,743 teyi'ikitiwaamete.

Parewiya ke mitiyu'uuximayátaxi miretimaiyaniki payukatetiwa ti'ininiatame muyutawewi, tikixeyietiti tita mirayemie ti'ininiatame PIENSE II hetsie, tatsiari kehate preparatoria memanutahake memikuwewiwa. Maana pireyutima kename parewiya 'aixi tiyu'uuximayátaxi: 2022 wiyari payuye'atia 14.14% paimemeki yumayatsie 'aixi mepiteyeki. 'Aixi matsi 'ikitiarika mitiyeki pihiki paleku maiyá metá niuki 'inglés 'ikitiarikatsie, miiki 15.28 paimemeki yutixirietiti.

### 1.1.5 Niitiarika

#### 1.1.5.1 Mat'ari kiekataari tsiere m'ire yeyari

Wararakara Hauriwekamepa piwarexeiya meyupaimeme 1,368 teyu'ikitiwaamete mat'ari kiekataari mat'ari niuki kutsimama, maana 1,195 (87%) meyupaimeti hairieka 'etsikwerayari mepayetei, 168 (12%) meyupaimeti hauriwekamepa ya tatariwekapa mepika'uwa metá 5 (1%) tsaurixikapa mepiteyu'ikitia. Yunaimiti maana 702 (51%) meyupaimeti mepi'ukári 'apaíta 666 (49%) 'ukítsi. M'iki mat'ari kiekataari 'iiki kiekaripa mepitawiyatika: Akatekos (1), Amuzgo (3), Chatino (2), Chiapanecos (1), Chichimecas (5), Chinatcos (10), Coca (25), Coras (3), Huastecos (18), Maya (5), Mayos (2), Mazahuas (33), Mazatecos (2), Mixes (6), Mixtecos (34), Nahuas (544), Otomies (20), Purépechas (34), Tarahumaras (1), Triquis (7), Tzeltales (4), Victorico (1) metá Wixaritaari (607).



Teyi'ikitiwaamete mat'ari kiekataari tiwawewiyaate

Memipaime 1,368 teyu'ikitiwaamete mat'ari kiekataari, maana 1,200 me'inariiti meputiyua keneme mat'ari niuki xeime me'uniuka, 2021-2022 wiyaritsie

ke memiyipaimakai, hiiki 9.9% paimemeki meputimiirixi, m'iki ri panuyine, nauka wiitaari hikia matiyune yu'iniatati hiiki matsi yemeki mepiyumiire. Pai pirayuhokia keneme m'iki yumireti 728 (60%) meyupaimeti hairieka 'etsikwerayari me'ayetei, hauriwekapa mepaka'uxá 440 (37%) teyi'ikitiwaamete, tatariwekapa ya tsaurixikapa teyi'ikitiwaamete 32 (3%) mepipaime. Maiyá miyetua Coordinación General de Control Escolar, maana pai pirahokia m'iki mat'ari kiekataari mat'ari niuki xeime memuniuka 'iipai mepiteku'utsie niuki hetsie: Amuzgo (3), Chatino (2), Chinanteco (4), Cora (2), Huasteco (6), Wixárika (589), Ixil (1), Maya (5), Mazahua (12), Mazateco (3), Mixe (3), Mixteco (26), Náhuatl (60), Otomí (6), Tarasco (10), Triqui (2), Tzeltal (2) metá Zapoteco piyuxewi tiyu'ikitiwaame; hipatiri (463) ya mepika'utiyua ke'aaneme mat'ari niuki memuniuka.

Parewiya memanuwiwaxi 'iiki teyi'ikitiwaame mat'ari kiekataari, 508 meyupaimeti xexuime parewiya 'etsikwera mieme meputapairit'arie; 182 mepi'ukít-sitikai merikita 326 'ukári. 'Aiki 2021 wiyari hamatia yu'iniatati, 'aana xeikia 282 paimeti parewiya piyetuiya. Hepaina tsiere wa'iwiyarikatsie timieme (m'iki teyi'ikitiwaamete metá yunaiti), kariki UACI piyetua 486 paimeme xatsika 'ikitiarika tikuxatame 'uayetiarikatsie tsiere 45 paimeme 'etsikwera 'ikitiarika xatsikayari piyetua. Tsiere, 'aixiwime paimeme actividades patinetia m'itiarikatsie tikuxatati hepaina 52 paimeme niuki tuarika putiwewi.

#### 1.1.5.2 Naki'ériyarika

Teyu'ikitiwaamete memika'aye'atika m'iki 2021 wiyaritsie 6,479 memiyipaimakai hiiki 2022 wiitaari mepiyipaime ri 6,735, tatsiari 3.9% paimemeki meputimiirixi naime Hauriwekamapa. Yahate teyu'ikitiwaamete memika'aye'atika, 3,594 (53.4%) mepi'ukári metá 3,141 (46.6%) 'ukítsi. 2022-2023 wiyari, maana teyu'ikitiwaamete memika'aye'atika 2,960 meyupaimeti mepaka'ukái haika 'ikitiarikatsie, tawari 143 maana tsiere, 189 meyupaimeti 'ikitiarika yakimayetití yaki mirayetirikawi, 35 me'inariiti hauriwekamepa 'ikitiarika yaki mayetití, 3,334 mepaimeti mepiteyu'ikitia hauriwekamepa, 33 meyupaiti xeime xeikia 'akatekameki 'ikitiarika mepihi, 29 tatariwekapa metá 12 tsaurixikapa

mepika'uuwá. Míiki, yumiireti (78.3%) mepikahauneniere ya 'aixi mepikate-heuneniere, 'ítimana mepeti'u 'aixi memikateyuyuitiawawe (7.1%).

## 1.2 Mítheekwa tsiere 'Íkitiarika 'aixi 'anéti míyuwaune

### 1.2.1 'Íkitiarikatsie te'uuximayátaamete

Hiiki, Wararakara Hauriwekamepa piwarexeiya meyupaimeme 17,827 'íkitiarikatsie te'uuximayátaamete, maana 8,103 meyupaimeti mepi'ukári 'apaita ta 9,724 kepi'ukítsi. Matitia 2019 'utiniereti, 'ukítsi matsi memiyiwaikawatikai, hiiki ri míiki piyupataxi, 'ukári mepuyutimíriyaxi 43% meka'uuti 45% mepitiki. Yunaiti 'íkitiarikatsie te'uuximayátaamete UDEG, meyupaimeti 10,865 tatsiari metehuhanati 60.9% míiki xexuime ya yapaimeme materia memi'íkita; 'ítimana mepeu'u maiyá 'iyekiwaamete tuukariki ya memite'uuximaya mepiyipaimete 2,771 mepitehuhana 15.5%; te'íkitaamete tuukariki ya memite'íkita mepipaimete 12.1% (2,155); técnicos memite'umamatiwa tuukariki ya memite'uuximaya 'iipai mepipaimete 6.4% (1,148) metá paitsiere memitetetewa xeikiarita hiixiapa tuukari mepite'uximaya 2.6% (466) mepi'iniari; te'íkitaamete hiixiapa tuukari xeikia memite'uuximaya 2.3% (414) mepipaimete, maiyá 'iyekiwaamete hixiapa tuukari xeikia memite'uuximaya 8 (0.04%) mepipaimete.

### 1.2.2 'Íkitiarika 'aixi reyuku'uuximayátati

Parewiya mititewa Programa de Formación para la Innovación Docente (PROINNOVA) piyukewerie te'íkitaamete 'aixi memiyutiyuruwaani, mitiheekwa metehetimamateni, kimana yu'uuximayátsika heitserie 'aneme memiyeweyaniki, yu'uuximayátsika ya metehekwatiati, tecnologías 'aixi metekumaiwati, waikawá 'íkitiarika wiitiyaya mewewieti watiiriyáma 'aixi memitehetimamateniki, waikawá memiyuku'iwauritwaniki, ya tini memiteheutamaiwaweniki. 'Íiki 2022 wiitari ke yipai PROINNOVA miwaranutayatsaxi

mepi'iniari 6,851. Kayuati 2020 'uti'ati 2022 piyuhokia kename me'utimírixi 68% paimekai míiki 'íkitiarika 'uuximayátaamete memanutayaxixi, me tsi 4,073 memipaimekai, mēneyutipaimerixi 6,851. Yunaiti 'íkitiarika 'uximayataamete ke memiyipaimete Hauriwekamepa míiki 38.4% me'iniariti mepu'iarixi 'iiki parewiyaatsie.



Te'íkitaame memanutayatsarie, 'íkitiarika metá harerutsiyatsie timieme

Yaxeikia paina, 2,629 meyupaimeti te'íkitaamete tuukariki ya memite'íkita UDEG, míiki meputawairitariie, mepahekiatsie memite'aye'atiwaki SEP ke mitiku'iwáwa, maana 55% mepi'ukítsitikai metá 45% 'ukári. 'Íiki wairitariika pemiyetuiyariwa 'íkitiarika 'uximayataamete kehate wapaiti memiti'u yu'íkitiarikatsie, waikámemetsie memite'uyuta'íkita, waikáwa maiyá yeikiya mutiwewi, metá hekwame maiyá mahekiatixi.

### 1.3 'Aixi 'iyaari naimetsié tiyuwenati

#### 1.3.1 Miratineika yatiutiyiti yeyaritsié timieme metá wichi tiwewiyarite

Naim Red Universitaria hetsié, 2022 wiitaari payutinetia 1,121 'ixiarari yeyaritsié timieme, miireti (368) pitihekiatakai wichi tiwewiyarikate, maana payuxaxata 'ikiyarite mika'uyuatika metá muyuatika, nierika 'utiarika metá wewiyarikayari; 'itimana petiwé wichi 'itiarika 'ixiarariyari, hairiekari wichi tineiyarikate. Hepaina tsiere, kwikari, yuitiarika 'ixiarariyari puyutiwewi paimeti 150. Paí paine Anexo Estadístico 2022, 'iiki waniu yapaimeti 'ixiarari 276,704 me'iniarime teitéri piwarukuxeyari Hauriwekamepa memite'awiya, teyi'ikitiwaamete 22,531 mepipaimekai, 'apaita ta 1,853 mepiyupaimekai wichi miti'aanene te'uuximayataamete.

#### 1.3.2 Waikarípa

Mitiyane 2022, meputimiirixi Sistema de Alto Rendimiento UDEG hetsié teyi'ikitiwaame waikamete, 2019 wiyari ke memiyipaimekai hiiki meputimiirixi 92.8% paimemeki, ta'uuximayátsika temite'ukatsutiatsie titi hiiki yemeki mepuyutiwaikarixi. Teyi'ikitiwaame waikamete mepu'iarixia miiremetsié waikaripa 2022 wiitaari muyutawenaxitsié. Teyi'ikitiwaamete 10,400 meypaimeti meputiwaikaxi tahauriwekamepa waikari matinetiaksiatsié, 714 meypaimeti mepu'iarixi 'etsitaru waikari matinetiaksiatsié, 522 me'iniariti mepukuwaikaxia kiekaripa 'eena hurawa mumanetikatsié, 701 meypaiti Mekiku taita mepukuwaikatiki, mi ri ta xeikia meypaimeti 12 mepu'iarixia waikaripa tewa kwetsié paiti, miiki yukwie Mekiku mepekuhekiataxi. Miiki waikamete Sistema de Alto Rendimiento hetsié memayeú meyunaiti 279 kuka 'iwarika hekiatame mepukuxeyari, miiki 154 pi oro, 31 plata metá 94 bronce. Waikáwa kuka (54.1%) payu'iwaxi Mekiku kwieyari hetsié.

Universiada Nacional 2022 mayutinetia Universidad Autónoma de Ciudad Juárez, 'aana mepuyukuxeyari 9 mil waikamete, Mekiku hauriwekamepa mu'utikatsié teyi'ikitiwaamete. 'Iiki 'iwárikatsié, waikámete UDEG kiekataari mepu'iwaxi 90 kuka: 29 hikiti oro, 15 plata metá 46 bronce. Kimana tahauriwekamepa mepikake huutariekatsie waika kuka ma'iwaxi.

#### 1.3.3 'Ahurawa metá 'eetewa memitakika ya memi'aaxé

Wiyari 2022 hetsié pitiyutiwewi, 4,929 meypaimeti teyi'ikitiwaamete xaitsié paiti memiteyu'ikitiyayuki ya xaitsié teyi'ikitiwaamete tahauriwekamepa memitay'i'ikitiyayuki, 'aiki ke memuyutipamerixi, hiiki 786 paimemeki meputimiirixi, tatsiari 19% 'iniarimeki. 'Eena mepuwimarie 926 teyu'ikitiwaamete 30 paimeti kwie manekatetsie kiekataari metá Mekiku kwieyaritsié tsiere kiekataari. 'Apaita ta, UDEG teyi'ikitiwaamete 4,004 meypaimeti xaitsié mepayeki ya'aimieme, 2021 ke memiyutipamerixi hiiki 35.8% paimemeki mepitiki. Ta'uuximayátsika mitiukayuatsie titi hiiki yemeki pitiyane memutimiirixi. Wararakara Hauriwekamepa teyi'ikitiwaamete memuyiwekaxia xaitsié memitakinixianiki yapitiyui xapa 'uyutiwewieku 35 kwie teewa mumanetika wahamatia. Me'iniariti 72% Mekiku kwieyari taita meputakinixia mi ri ta 28% meypaimeti teewa kwie paiti mepayeki, yiwaikawa matsi mepeki Colombia tsiere España, 'iiki 2022 wiitaari.

Ya xeikia tsiere, ya mitiyane 'ikitiarika 'uuximayátaamete teewa kwie me-mayekikaniki, 'iiki 'ipai piyeyukukwewie kename tirikaiyemeki meyuweriyani kimana 'aixi matsi 'aaneme memiyeweyani 'ikitiarika, maiyá yeikiya metá hauriwekamepa xapateya 'uuximayátsikayari. 2022 wiyari, 1,230 meypaimeti te'uuximayataamete mepayeki tewa paiti mexikatini 'eena meputa'iwataxi; 1,162 meypaipai mepayeki metá 68 me'iniariti mepu'axia tahetsia, miiki 12 paimeti teewa kwie kiekataari metá Mekiku kiekataari. Ke meypaimeti me-mayeki 2021 wiyari (928), hiiki 'amepuyutipamerixi 25.2% 'iniariyari, 571 te'uuximayátaamete mepiteyuku'ikitia Mekiku kwieyaritsié, mexita hiipati tewa kwie 35 paimemetsié paiti.

## 1.4 Waika mairaheek'ía 'ikitiarikatsie tiita mirayuye'atia metá 'ikitiarika heekwati

- Puyutiwewi ki hauriwekamepa Tlaquepaque (CUTLAQUEPAQUE) tsiere Chapala (CUCHAPALA), miiki yutsutiarika 'ikitiarikatsie mepiyetuanu matiaru mayuxaxata 5 carreras huutarieka mieme ri ta huutame, meyuniti mepiwaranuwima 295 teyi'ikitiwaamete 'iiki makamietsie 2023-A.
  - Wiitaari ta 2022, piyuyetua paimeti 14 'ikitiarika heekwati ya raye'atiwati tita mireuyewetse hiiki hauriwekamepa. Huutati hauriwekamepa pimieme, xewiti 'ikitiarika yaki mayeteewi, 6 paimeti tatatarikewekapa tsiere 5 tsauriwekapa.
  - 'ikitiarika wiyari 2022-2023 mepu'iniatsie 329,641 meyupaimeti teyu'ikitiwaamete memaka'uxá UDEG, tatsiari memayetei hauriwekamepa, tsauriwekapa, tatataripa, 'etsikwera hairieka, hekiaripa memayetei metá tsiere virtual. Jalisco 'etsitaru yunaiti yatewa memitihutika 'ikitiarikatsie miiki 52.62% metehuehanati tahauriwekamepa mepayetei.
  - Manuyihia 2022 wiitaari, 88% meyupaimeti teyi'ikitiwaamete haika 'ikitiarikatsie memika'uuwa, miiki mepayetekai 'etsikwerate padrón Sistema Nacional de Educación Media Superior hetsie; mi ri ta hauriwekamepa memiteyu'ikitia 95.5% meyupaimeti metá tsauriwekapa taari 73.1% me'iniariti miiki mepaka'ukai 'ikitiarika 'uuximayátsikayari ke mitiwayaki waika mimatiwatikatsie tetiatameki mi'aaanekiki.
  - Haika wiyari peutinena muyukatsutia, hairieka 'etsikwera mirayu'ikitsie miyuta'uuximayáta parewiya Prepas UDEG: Un lugar para todos, kimana memitanaki'eriwaki yunaiti (100%) memayuka'itiwa metá yuxapate naima 'aixi memiteyetauya tsepa ke'anemetsie 'etsikwera Wararakara Hauriwekamepa mirawiyatsie.
  - Piyyiwexaxia memanutayaxe meyupaimeme 1,200 teyu'ikitiwaamete matiaru kiekataari, 2021-2022 wiyari ke memiyupaimikai hiiki 9% 'iniarimeki meputimiirixi. Maana 728 meyupaimeti hairieka 'etsikwe-
- rayari mepayetekai, 440 meyupaimeti hauriwekamepa ya tatariwekapa mepika'uwa metá 32 tsaurixikapa.
- Kehate yu'ikitiarika memanayenixia 13,029 meyupaimeti 'iniatsika EGEL memuweewi 2022 wiitaari, maana 73% meyupaimeti mepanutiki, 'aiki ke memiyupaimikai hiiki 20% paimemeki mepiti'irixi.
  - Xapa título miwayehurieni, yukayuati naima xapate mitiyuyetuanitsie Coordinación General de Control Escolar hetsia, 'uti'ati xapa mitanirieni metá miyeyuyaniatsie, miiki xapa muta'aita hiiki 2022 wiyariatsie pireutetereka 12 tuukari. Panuyine kename xei mieme ri pai mitiyurieni yiwe, mexi ri ta 'aiki hikia meukayune haika metseri reuyeta reutetereka.
  - Hiiki, Wararakara Hauriwekamepa piwarexeiya meyupaimeme 17,827 'ikitiarikatsie te'uuximayátaamete, maana 8,103 meyupaimeti mepi'ukári 'apaíta ta 9,724 kepi'ukítsi. Matitia 2019, 'ukítsi matsi mepiyiwaikawatikai, hiiki ri miiki pitiyupataxi, 'ukári mepuyutimiiriyaxi 43% meka'uuti 45% mepitiki.
  - Teyi'ikitiwaamete memuwimarie parewiyaatsie inglés extracurricular JOBS, miiki 37,265 mepiyupaimeme naiti Hauriwekamepatsie. Hiiki meputimiirixi 102.3% paimemeki, 'aiki tsi 2021 miiki parewiyaatsie memiteyu'ikitiakai xekia menepaimikai 18,424.
  - Teyi'ikitiwaamete memitakika metá memi'axé hetsie timieme, kariki hiiki 2022 wiitaari 4,003 meyupaimeti xaitsie paiti mepiteyuku'ikitia. Ta'uuximayátsika mitiyukatsutiatsie titi hiiki yeme mepuyutimiirixi. Yu'iniatati wiyari 2019 'uti'ati 2022, pireyutima kename 73% paimemeki meti'irixi teyi'ikitiwaamete xaitsie kwieyaritsie memanuki.

## 2. Yeikiya metá makina maiyá kimana waiká mitiyuwewiekaki

Wararakara Hauriwekamepa 2022 wiyaritsie, tita mitiyukwewirie miraye'atiani niki pikatsutia timiireme kimana maiyá 'uuximayátsikayari mitatirikariyaki, maiyá yeikiwaamete miwaparewieniki. Maiyá 'iyeikiwaamete xaitsie kiekataari wahapatia niuki puxewiriyaxi yunaiti memite'uuximayakaki, 'aana tsiere yuhepa piwaranutahatia maiyá yeikiya yi'ikitiwaamete; hepaina tsiere pitu- parewi 'ikitiarikaki watirikariyati hehekwaite teyi'ikitiwaamete maiyá yeikiyatsie. Tahauriwekapa kiekataari 8 'iwarika mepukuxeiri 'Iitsikame Karitsiku Makawe miyetuayatsie, 2022 wiitaari. Miiki 'iwarika pi hi ki: Mérito al desarrollo científico-tecnológico, Innovación, Tecnología, Ciencia, Divulgación, Tesis de Doctorado, Tesis de Maestría e Investigación Temprana.

### 2.1 Hauriwekamepa maiyakameki wewiyarika 'uuximayátsikayari

#### 2.1.1 SNI tsiere SNCA

Naime Mekiku kwieyaritsie, piyiane hauriwekamepa UDEG huutariekatsie mikawé yimiireme maiyá yeikiwaamete miwaraye'uitia Sistema Nacional de Investigadores (SNI) miráwiya CONACYT hetsie. 2022 wiitaaritsie, 'iiki hauriwekamepa piwarutimiiriyaxi 1,642 me'iniarime 'ikitiarika 'uuximayáamete



yatitewakame hetsie memaka'uxá. 'Aiki matia yu'iniatati (1,500 memihikitikai) miiki meputimiiirixi 9.5% paimemeki. Miiri ta 2019 wiyaritsie paiti heuyuka'iniatati, 15.8% paimemeki mepitiki, 'aana 1,418 mepiyupaimekai. Yunaiti memaka'uxá SNI hetsie, maana 57.9% mepi'ukitsi 'apaita ta 42.1% 'ukári. Nauka wiyari 'uuwa matiyune, hiiki ke mitiwayaki mepimiire 'ukári (188) memayuka'utia Candidato(a) a Investigador(a) Nacional hetsie, mexi rita 'ukitsi 180 mehiki.

Me'iniariti 22.4% (368) yeikeemete mepaka'uxá categoría de Candidato(a) hetsie, mi ri ta 63% (1,034) meyupaiti mepaye'ú Investigador(a) Nacional nivel I hetsie, hepaina ta nivel II hetsie 10.6% (174) mepiyipaimete metá nivel III hetsie 3.5% (58) mete'iniari. Mi ri ta categoría Investigador(a) Nacional Emérito(a) mepaye'ú 0.5% (8); 'iikitsie xei wiitaari mitiuyi meyunaiti, 'atahaika meyupaimeti mepaaki.

Parewiyatsie Programa de Apoyo a la Mejora en las Condiciones de Producción de los Miembros del SNI tsiere SNCA (PROSNI) panu'iiya \$63,399,235.75 paimeti tumini, kimana mepuparewiya 1,584 meyupaimeti yeikeemete, yaxeikia tsiere 266 meyupaimeti yeikeemete waparewiwamete. 'Apaita, 2022 wiyaritsie, parewiya Programa de Becas de Permanencia SNI-SNCA piyetua \$48,995,000 tumini, 2021 wiitaari ke mipaimekai (\$43,920,000), hiiki 12% paimemeki panuti'irixi; miiki ki 1,635 meyupaiti yeikeemete SNI memaye'u mepuparewiya.

### 2.1.2 'Ikitiarika 'uuximayátaamete tsiere tita memiteyeiketawe ke paí maiyá memite'akatetia

Wiitaari 2022 mayexitsie, Wararakara Hauriwekamepa pirarukixei 608 meyupaimeme Cuerpos Académicos (CA) memite'uteriwariwa 'ikitiarika 'uuximayátaamete. Miiki mepaka'ukai Programa para el Desarrollo Profesional Docente (PRODEP) hetsie, 'aiki 2021 ke memiyipaimekai (593) mepitiki 2.5% paimemeki, 2019 wiyaritsie paiti ta heuyuka'iniatati mepuyutimiiiriyaxi 4.8%

(580) paimemeki. Miiki yunaiti CA (608), 134 meyupaimeti 'aixi yemeki mepiteheeku'u (CAC), 181 'aixi ke mepiteku'uitariwa (CAEC), 293 mepaimeti CAEF hetsie mepaka'uxa. Mu'iniatati 2019 'uti'ati 2022 miiki CAC meputawerixi 24.1% paimemeki, mi ri ta CAEC 15.3% paimemeki, 'imatiriekari piritimaiya kename CAEF me'anukanua 7% paimemeki.

Yunaiti 'ikitiarika 'uuximayátaamete Cuerpos Académicos hetsie memaye'ú, wiyari mayuxaxata mayexitsie, CA hetsie mepaka'utsiekai 2,728 teitéri, miiki panuyine kename mekanuatiki 2021 wiyari matia yu'iniatati, 'aana 2,910 mepihikitikai; 2019-2022 wiyari yuti'ininiatati piritimaiyá kename me'utawerixi 7.5% paimemeki. Yunaiti CA memini'i, 54.9% (1,497) mepi'ukitsi metá 45.1% (1,231) 'ukári.

'Inierika manayenetsie Registro y Evaluación de Cuerpos Académicos 2022 del Programa para el Desarrollo Profesional Docente (PRODEP), 'aana putanaki'eriwaxi 33 hehekwati 'ikitiarika 'uuximayátaame wa'utsika, maana 32 mepite'unakixi CAEF merikita xewiti CAEC. Meyipaimeti 163 CA memi'iniatsiawe yuxapate metehewatiakuti ya tiapaiti matsi xirikuti, 'atanauka meyupaimeti mepuyuta'ima, 8 meyupaiti mepikate'unakitsitia, 9 yu'itia mepiyeki, 100 meyupaiti 'axeikia mepite'unakitsitia meta 37 me'iniariti mepiyiwexaxia tiapaiti matsi memitixiré.

### 2.1.3 Yeikiya 'Utiarikayari

Ke mireyukuhaana 'iyeikiya 'uuximayátsika, ke mireiku'iyari Secretaría de Educación Pública (SEP) maana yukaniereti, 2021-2023 wiyaritsie puyutiwewi 1,449 paimeti yeikiya 'utiarikayari. 'Iiki yati'aanenemetsie matsi waikáwa pi-tiuyutiyeikixi: ciencias de la salud (25.5% paimeti); ciencias sociales y derecho (18.9%); metá ciencias naturales, matemáticas y estadísticas (17.9% 'iniariti). Puyuti'uuximayátaxi 234 'utiariká, parewiya mewaruwewiriekú yeikeemete Mekiku kiekaatari, metá 38 paimeti puyutiwewi tsunarite 'anutaiyete mu'utika wahamatia. Yati'uuximayatsikatsie mirakunexia, puyutiwewi 367

xapate teriwariwame, 298 tsunuarite 'eena Mekiku mu'utika wahamatia metá 69 tsunuarite 'anutaiyete mexuawetika wahamatia; hepaina tsiere 2,026 'utsika yaki 'ayetiti puyuti'utia: 821 tsunuarite 'eena Mekiku mu'utika wahamatia metá 1,205 tsunuarite 'anutaiyete miti'ú wahamatia.



Hauriwekamepa teyi'ikitiwaamete hekiakameki memanuyetei maiyákamekitsie metá makina maiya hetsie

### 2.1.4 Yeikiya 'utiarikayari hipame wahamatia yuniti

Wararakara Hauriwekamepa, peyeiya 589 paimeme yeikiya 'utiarika 'uuximayatsikayari hipame tsunuarite wahamatia, 307 Mekiku hurawa mi ta 282 'anutaiue mu'utikatsie. Paina tsiere UDEG putihii 44 convenios kimana yeikiya 'utiarikayari mitewenaki IES matia Asia, Europa tsiere Amercia miemete. 'Apaíta ta, 2022 wiyari, 44 meyipaimeti CA memihiki mepi'iarixi 'uuximayátsikatsie tsunuarite 'eena hura mu'utika wahamatia, 324 me'iniariti yutsata Mekiku manu'utika wahamatia metá 214 'anutaiyepaiti mu'utika mewarutinika mepite'uta' uuximayataxi yeikiyatsie.

## 2.2 Makina maiyá kimana waiká mitiyuwewiekaki

### 2.2.1 Xapate manayetuiwa mithekiata maiyakameki wewierikate

'Iiki wiyari hetsie miyukuxata, puyuekiarixi 4,117 paimeti xapate manayexinarie, miiki tsi ri yeikiya 'utiarikayari Red Universitaria tiiriyamama wawewiyarika, maana 2,248 paimeti 'itiarika ya mayetiti revistas hetsie panayenexia, 2019 paiti heuyuka'iniatati 'aana maaki 1,931, maana puyuekiarixi kename 16.4% paimemeki yutimiiriyaxi miiki xapate maiyakameki wewierikate. Xapate teriwariwame naimiti puyutiwewi 681, mi ri ta 917 paimemetsie xexuime capitulos heki pitiyuparewixia.

Wararakara Hauriwekamepa pexeiya 57 revistas maiyakameki wewierikate (cientificas) tikuxatame, 23 paimeti panayexinariwa hekiatsika meyuxeianiki mi ri ta 57 paiti electrónica, miiki 17 tipaimemetsie pitikuxaxatsiwa. 2022 wiya-ritsie, parewiya Programa de Revistas Cientificas Universitarias piwaruparewi 54 revistas, tumini piwaru'ititia \$8,923,845.51 paimeme, pai reikukwewieti kename miiki xapate revistas miyutiwewiwa 'aixi matsi 'aaneneni, hekiatsiyaya yu'uuximayati naime Mekikutsie meta 'anutaiye paiti. Miiki xeniu 57 mipaime, 18 revistas pihekiatsie 'aixiwi mexia muku'utikatsie 'iiki waikawameki mahekikia: Sistema de Clasificación de Revistas Mexicanas de Ciencia y Tecnología del CONACYT, Scielo México, Redalyc, SCOPUS metá Web of Science.

### 2.2.2 Xapate hehekwa wewiyarikate mihi

Mitiyiane 2022 wiitaari, Wararakara Hauriwekamepa panuhuri 22 hehekwame 'iwarika wewiyarikate 'iwiyarika xapatetsie mitiwewiereki, miiki pawawiwakai 18 patentes, 3 modelos de utilidad metá xewiti diseño industrial, mepiku'iwawakai 44 yeikeemete. 'itimana miiki miiki mitiyuteriwa títulos de invención puyutiwewi, 11 patentes, 6 modelos de utilidad metá xewiti diseño industrial, tatsiari 18 xapate hehekwa wewiyarikate hiweme.



Parewiya Programa Institucional de Financiamiento de Proyectos de Investigación Estratégicos puparewi 93 maiyá 'utíarikayari, putawaikarie \$9,986,597.28 tumini, maana 77.4% (72) pihiki 'utíarika hehekwa wewiyarikate híweme, 15.1% (14) paimeti 'utíarika makina maiyá tirikariyame, 2.2% (2) 'utíarika 'uuximayátsika makatetia hipame wahamatia yiníti tatsiari tsunuari kiekaripa manu'utika, hipati 'itsikame kiiya, hipati ta 'iitsikame hetsie mikarawiyatika, 3.2% (3) 'utíarikayari waikáwameki meuyewetse Red Universitaria hepaitisita metá 2.2% (2) 'utíarikaya ki tumini 'iwame makina maiyá mayexeiya.



Makina maiyáki mama wewiya, teitéri yumamate 'aixi memikateyuitiawawe wahetsie mieme

'Umapai tumini muyukuwau kimana mita' uuximayátsieni hehekwa wewiyarikate tatsiari protección de invenciones, maduración y transferencia tecnológica, ya 'aimieme Wararakara Hauriwekamepa pi'iarixi huutame 'iinierikatsie 2022 wiyari miiki Consejo Estatal de Ciencia y Tecnología de Jalisco (COE-CYTJAL) menayetua titetewakame: a) Fortalecimiento de Invenciones y Transferencia de Tecnología para Instituciones de Educación Superior o Centros de

Investigación tsiere; b) De la Ciencia al Mercado. Maana pa'iwaxi \$3,437,100 tumini, kimana puyuparewi 23 hehekwa wewiyarikate 'iwiyarikayari xapatetsie (16 patentes, 6 modelos de utilidad, xewiti diseño industrial) tsiere 7 paimeti miyutitirikariyaki xapatetsie makina maiyá 'uuximayátsikayari.

### 2.2.3 Mayukumaika maiyá wewiyarika

Mexi yemie 2022 wiitari, puyuwewi matiari Foro Ciencia UDG, maana 18 pai mexia yapitiutiya 'apai hekia, mepuhekiatsie 100 temaikate, maiya wewiwaa-mete tahauriwekamepa memitehawiya. Xeníu mayukumaikaki maiya wewiyarika (ciencia), mitikatia Coordinación General de Investigación, Posgrado y Vinculación (CGIPV) puhekiataxi podcast Háblame de Ciencia, maana mireyutimaniki, mireyuti'enietiyani kename ke pai maiya wewiyarika tatsata ya tiyuhokia. Miiki podcast panayeneika internet hetsie Spotify, YouTube; Amazon Music, Apple Podcast metá Deezer. Paina tsiere, Cultura Científica tuukariya matineikatsie 28 ki septiembre metseri, 'iiki wiyari 'enierikatsie panayuetua podcast Crónicas del Antropoceno, miiki wawewiya Museo de Ciencias Ambientales (MCA) tsiere Coordinación General de Comunicación Social (CGCS). Hepaina tsiere, tirikayemeki pahokia huutati 'imakieri matiawameki miyetuiriyarie kiekari maiya wewiyarika 'uuximayátaame UDEG, miiki pi hi ki: Premio Estatal de Innovación, Ciencia y Tecnología Jalisco 2022 categoría de Divulgación; metá Premio Jalisco 2022 categoría de reconocimiento científico.

## 2.3 Metiniitariwati kehate maiyá yeikiyatsie waikáwa memiyawawe

### 2.3.1 Kwitiwa me'anutahatariwati maiyá yeikiyatsie

'Uuximayátsika Programa Delfin titewakametsie, meyupaimeti 243 teemari maiyá yeikiya yi'ikitiwaamete pepite'uta'uuximayátaxi hipame yeikeemete xaitsie hauriwekamepa Mekiku ya 'anutaiye mu'utika kiekataari wahamatia. Maana 58.8% (143) mepi'ukáritikai mi ri ta 41.2% (100) 'ukítsi, yunaiti tumi-

ni parewiya mepukuxeiri de \$2,938,500 paimeme. Parewiyatsie Programa de Apoyo a las Condiciones de Producción de Miembros del SNI (PROSNI), yu-huuta 'uuximayatsikatsie, pai mireiki'éerie kename maiyá yeikiya yi'ikitiwaa-mete mewaranutahatiwani maiyá 'utiarikayari 'uuximayátsikatsie, 'iiki tumini parewiya piti'irixi \$5,904,000 paiti, kimana mepuparewiya 266 teyi'ikitiwaa-mete, 57.9% (154) 'ukári, metá 42.1% (112) 'ukitsi.

### 2.3.2 Tsauriwekapa teyi'ikitiwaamete tirikaiyemeki meminiitikani

Programa de Incorporación y Permanencia del Posgrado en el Programa Nacional de Posgrados de Calidad (PROINPEP) yuparewiya pakatetia kehate tsauriwekapa 'ikitiarikayari hekiakameki paleku memiteheiku'uuximayatatika. Ya miti'ananetsie UDEG panuyeka, karikitsi hauriwekamepa mekiku mu'utikatsie piwara'iwa 208 paimeme mexeyaki tsauriwekapa 'ikitiarikayari hekiakameki 'aixi 'aaneneme, miiki mikuxataakai hiiki mumawe ri Programa Nacional de Posgrados de Calidad (PNPC). Wararakara Hauriwekamepa, 2022 wiitaari ke paimeme tsauriwekapa 'uuximayatsikayari mexeyakai (366) miiki 56.8% pai-meti tirikawimeki 'aixi pi'aanene.

Tsauriwekapa 'ikitiarikaya miparewiyakaki, 2022 wiyari mitiyiane CGIPV pi-yetua \$45,454,000 paimeme, kimana 'akatekemeki 'aixi 'aaneneti miyewei-yarieka 208 paimeti tsauriwekapa 'ikitiarikaya meyexeiya PROINPEP. 'Aana, UDEG panu'ii \$179.9 millones paimeme tumini tumini parewiya memanu'iwe-niki 4,376 teyi'ikitiwaamete, panuyine kename yunaiti ke memiyipaime ya tewa memiteyu'ikitia miiki 64.8% meyupaimeti 'iitsikame watapai makawe parewiyaya me'anu'ii.

Miyiane CGIPV puwewi matiari 'iwarika Tesis de Posgrado, tsiere, puta'uuximayátaxi xei wiitaari yamiranayeneika 'iwarika Universidad de Guadalajara 3MT Tesis en Tres Minutos 2022, miiki tsauriwekapa teyu'ikitiwaamete, he-paina puwewi matiari Seminario de Investigación e Innovación en Posgrado

“La retribución social y los Posgrados en México”, mayutinetiatsie Foro Ciencia UDEG, tatsiari memu'iarixitsie 16 maikate texaxatame 9 hauriwekamepa Mekiku mu'utikatsie kiekataari.



XXVII Verano de la Investigación Científica y Tecnológica del Pacífico Delfín 2022

## 2.4 Waika maheekia tiita mirayuye'atia maiyá yeikiya metá makina maiyá hetsie timieme

- UDEG piyiane hauriwekamepa huutariekatsie mikawé yimiireme maiyá yeikiwaamete miwaraye'uitia Sistema Nacional de Investigadores (SNI) miráwiya CONACYT hetsie. 2022 wiitaaritsie, 'iiki hauriwekamepa piwarutimiiriyaxi 1,642 me'iniarime 'ikitiarika 'uuximayátaamete yatitewakame hetsie memaka'uxá. 'Aiki matia yu'iniatati mepu-timiirixi 9.5% paimemeki, metá 2019 wiyaritsie paiti heuyuka'iniatati, 15.8% paimemeki mepitiki.
- Wiitaari 2022 mayexitsie, Wararakara Hauriwekamepa pirarukixeiiri 608 meyupaime Cuerpos Académicos (CA) memite'uteriwariwa, miiki mepaka'úkai Programa para el Desarrollo Profesional Docente (PRODEP) hetsie, 'aiki 2021 ke memiyipaimikai (593) mepitiki 2.5% paimemeki, 2019 wiyaritsie paiti ta heuyuka'iniatati mepuyutimiiriyaxi 4.8% (580) paimemeki.
- Wiyaritsie 2021-2022 payuka'utia estadística 911 SEP hetsie 1,449 paimeti yeikiya 'itiarikayari, 'aiki wiyari 2020-2021 ke mipaimikai pitiki 9% 'iniarimeki.
- Matiwameki UDEG pahekia Premio Estatal de Innovación, Ciencia y Tecnología Jalisco 2022 hetsie. Wararakara Hauriwekamepa teyi'ikitiwaamete metá yeikeemete 'imakieri mepanuwimaxi Premio Estatal de Innovación, Ciencia y Tecnología Jalisco 2022 miyetuatsie, 'atahaka 'ayepaimemetsie mayukatetia maiyá wewiyarika, karitsikupa.
- Miya 2022 wiyaritsie, puyuhexiarixi 4,117 paimeti xapate manayexinarie, miiki tsi ri yeikiya 'utiarikayari Wararakara Hauriwekamepa tiiriyamama wawewiyarika, maana 2,248 paimeti puyutiwewi 'itiarika xapa 'etsimitsutsui waika temaikate me'iti'ixariwakakuke manayeneika, hiikia wiitaari 2019-2022 meukayune heuyuka'iniatati, pitii'irixi 16.4% paimemeki, 2019 wiyari 1,931 paimeti putiwewiya.
- Mexi 2022 wiyari yemie, puyutawewi dominio Ciencia UDG maana 'ipai pireku'iyaritsie kename yemeki 'anuyekani niuki, maiyá, 'itiarika,

kate, wewiyarikate tatuayati, internetsie tihekiatati kiekaripa.

- 'Ipaí reyuku'eerieti kename tiiriyaripa paiti maiyá wewiyarika metá makina maiyá temawerikayari yunuiwitiaka, mexika mehahekikiareni hepaina metirikariyarieka kehate teemari memanuyetei maiyá yeikiya wewerikatsie, ya 'aimieme miiremetsie tsunuarite waparewiya putihekixarixi memiparewiyani 795 teemari maiyá yeikiya teyi'ikitiwaamete, miiki parewiya pi h iki: meputani'ariexia, yeikiya 'uuximayátsikayariki memiwareparewixiani tsaurixikate yeikeemete miireme hauriwekamepa te'uuximayátaamete mekiku miti'utsie metá 'anutaie.
- Hauriwekamepa ke paimeme mexeiyá tsauriwekapa 'ikitiarika ke mitiyu'uuximayáta, miiki 56.8% 'iniariti yaxekia pitimatiwa kemitiwayaki 'aixi mi'aanekiki, hekiatsika miyetuayakai hiiki ri mumawe Programa Nacional de Posgrados de Calidad (PNPC).
- Huuta wiyari 'uyuweiyati piti'irixi 28% paimemeki, tsauriwekapa 'ikitiarika 'uuximayátsikayari Wararakara Hauriwekamepa mieme, maana teyi'ikitiwaamete pepiyiwawe parewiya memuta'iwauni del CONACYT hetsia, memayuka'utiani Sistema Nacional de Posgrados (SNP) hetsie.
- Paí reyuku'eerieti kename hauriwekamepatsixi mekiku kiekataari xeiriya me'atinenetiwani, tinakemeki mete'utixaxatani, mete'utixexeyani maiyá yeikiya ya tsauriwekapa 'ikitiarikatsie timieme, ya 'aimieme puyuwewi "Primer Seminario de Investigación e Innovación en Posgrado. La retribución social y los Posgrados en México", mayutinetiatsie Foro Ciencia UDEG, mepu'iarixi 16 maikate texaxatame, 'atanauka hauriwekamepa Mekiku mu'utikatsie kiekataari.

### 3. 'Etwimeki kiekari ke mitiyi'iwiyá

#### 3.1 Yurienaka yi'iwiyati, pareku yukimawati

Kwiepa timieme temikatenanaimakaki, 2022 wiitaari manuyetiatsie kanitiyani 47% tatsiari hauriwekamepa muyutiwewi tepia tau ki kixiya miwewie, yaxeikia tsiere 'etsikwera hepaitsita mieme puyutiwewi 11 hehekwati tepia tau ki kixiya miyuwewie. Tsiere \$21,876,131 paimeti tumini puyutixitia muyutiwewieniki 1,994 paneles solares tatsiari tepia tau ki kixiya miwewie, yatitiri 1.02 MWp tirikaiyeme yuwewieti nayani, 'iki tirikariya yapaiti muyuwewie kanayehipani 1,813,853 kW paimeme kixiya muyuwewiekaki metá tepiate mireiwiwieniki, yatitiri tumini waikáwa kayuxitiati nayeikani metá tsiere \$2,865,316 kaniuka 'uutsirikení xei wiitaari. 'Iiki tepiate ya'aneneti 'utiwewiyaku 'ayiweka yurienaka mitixuawe te'iwiyati tekaniyiaka, ke pai tsi 767.27 toneladas de bióxido de carbono pai yukuhanati kanayeikani, yatiti matsi kwiepa 'aixi 'anemetsie tni'uwani. 'Iiki'í muyukatsutirixitsie, tatsiari tepiate tayurienaka timieme miti'iwiyá muyutiwewitsie waikáwa takwie teparewieti tekanakine, ke pai 2019 wiitaari 'uti'akameki 2022 wiitaariyatsie, naiti tahauriwekamepa 9% 'utsiya kaniuwewieni, tatsiari tayurienaka 'iwiyati.

Yaxeikia tsiere, marzo 2022 metseriyaritsie 'uuximayátsika kaniuyutawewieni muyukuxátaniki kename tepiate 'axa miti'anene hau'erieti memikatetaxiriwa-



niki, 'iiki ya 'aneme 'uuximayátsika memutawewi mekaniyiakaitini Wararakara Hauriwekamepa metá tsiere Reinicia el Ciclo metá Adhoc Consultores Asociados matia meyniiti. Ya 'aneti 'uuximayátsika muyutawewi tumini kaniwayetuanu xewiti tsunuari titewati Fondo para Medio Ambiente Mundial, yaxeikia tsiere meyunikameki Secretaría de Medio Ambiente y Recursos Naturales (SEMARNAT) wahamatia. Kaniyu'uitiatiyaani 'eena tahauriwekamepa 24 paiti puntos de acopio tiyuteriwati, miiki maxaxatsiwa, haikati kaniutiwewiyani Hauriwekamepa kuraarutá, metá tsiere 21 tiyutiwewi Hairieka 'etsikwerayarisie. 'Imatirieka, 900 reuyeta meyupaimeti teitéri mekaniye'axiaxiani 'iiki centros de acopio meteyetuanike yutepiate 'axa miti'anene yatini memikateheuyehiwá, naiti 'iniriti kanaye'ani 700 toneladas de RElec (residuos electrónicos).



Tewatsíxi Yeutari waheima mitinuiti CUCSUR

Yaxeikia tsiere, 2022 wiitaari hetsie xatsika 'ixatsika kaniyutiwewieni titewati Campaña Reciclemos juntos, 'iiki xatsika mekanitawewieni Wararakara Hauriwekamepa meyunikameki xapa periuriku memiwewie titewakame El Occidental metá tsiere Ecofibras Ponderosa, pai meteku'eriwati kename xaát-

si kwinieme kati'aneni teiwaritía. Ya'aneme xatsika me wewiekaku kaniyuki xeirieni naiti xaátsi 29 toneladas paimeti, 3.3 paimeti kanihikiti cartón, yaxeikia tsiere 23.2 xapate 'axa mi'anene, tsiere 2.4 paimikai kixairite manuyehetikia. 'Imatirieka pireyutima kename yapaimeme xaátsi miyukixeiriki 1,325,000 litros 'iniriti ha 'uyita'iwiyaxi, tsiere pika'uyukumayia 53m3 kuraaru xaátsi mayutiwiwa, metá 23 toneladas de CO2.

Taame Wararakara Hauriwekamepa 'uuximayátsika tepiyeweiya tayurienaka mitixuawe temite'iwiyani, 'ayumieme 2022 wiitaari manuyetia xapa panuyuhuri temimatiwaniki kename 'aku yatetekahú, miiki xapa tepiyetuiriarie temiteutaparewiki Prototipo para acopio de residuos electrónicos en escuelas mititewatsie, 'iiki xapa piyetua Secretaría de Medio Ambiente y Recursos Naturales (SEMARNAT), tsiere Programa de las Naciones Unidas para el Desarrollo (PNUD) Mekiku miwe metá Adhoc Consultores Asociados.

## 3.2 Hauriwekamepa 'uuximayátsikaya hakewa meuye'atika

### 3.2.1 'Uuximayátsika miyuyeweiya kwiniya mikaxuaweniki

Hauriwekamepa kuraruya meuti'utika metá hairieka 'etsikwerayari maana waiká piti'uuximayátsika kwiniya mikaxuaweniki, metá tsiere 'uatiarika miyuyetuakaki, yatini kixái xexeyame, yaxeikia paina teitéri memiteyi 'ixatsitiwa memixuaweniki, tsiere xátsikayari payutinenetiwa kwiniya mitirikawi hetsie timieme, pitikuxaxatsiwa teitéri kwitíwa memeuyu'aitatikaniki. Yaxeikia tsiere, kwiniya COVID-19 titewati miyutawiwitsie, ti'uataamete kiekátari tepiyewetui, metá tsiere 'uayete tepiyetua waikáwa kwiniyatsie timieme, tatsiari mitiyuteriwatika tétanos, sarampión, rubéola, hepatitis B, hipáme 'akú tawari waikáwa. Yaxeikia tsiere, tahauriwekamepa kuraarutá xátsika payutinenetiwakai metá 'uuximayátsika kwiniya pihiitsimarikatsie mirakuwietika, metá tsiere teemari wahetsia niuki piyuyetua ke pai mitiyu'iwiyi nunuutsi mika'ayexeyaki, yatini kwiniya VIH, sífilis metá Papanicolaou memikakuwiyani.

### 3.2.2 Kiekaritsie mayiitarikaapa

Mayiitarikaapa mayutinenetiwa teyi'ikitiwaamete kiekaripa yu'uuximayátsika memiyetuakaki, mipai tsi yu'ikitiarikatsie tita memitehetimamate 'eena metenakateyiwa kimana waikáwa matsi memiyitirikariyaniki metá kiekaritsie memiteparewieka. Memite'uteriwariwa brigadistas memaye'u Programa Acción Comunitaria hetsie, miiki mepite'uuximayá tiri matiarixi yu'ikitiarikatsie memikanukawikaki metá yu'iyaritariarikatsie 'aixi memitekuwawereniki, 'aixi metehu'eerieti memiwaikatiweni yu'etsikwera metá tuukaripa. Hepaina, Unidades Móviles de Atención Comunitaria piyetua 18 paimeme mayiitarikaapa, maana tiyu'iniatati presión arterial, glucosa, metá ke mirahete ke mutewei tiyu'iniatati, tsiere, ranayuyehanati índice de masa corporal.



Teyi'ikitiwaamete wamayitarika titewati "Nos Late Servir"

Wararakara Hauriwekamepa yu'uuximayátsikatsie Brigadas Multidisciplinarias, metá meteparewiekaku teyi'ikitiwaamete yixaita memiyuti'uitiwa, mitiyi 2019-2022 mepuparewiya 124,576 teitéri weri 'anekia memutetika kiekaripa, mepuparewiya 'uayetiarka, waikaritariarka meta 'ikitiarikatsie. Wiitaari

miyukuxatatsie, 'aiki wiyari heuyuka'iniatati puyuhekiarixi 31.1% 'iniarimeki memiti'irixi teitéri mepuparewiya. Paina tsiere, 2022 wiyari puyuetua 13 mayiitarikaapa tiyukunakitsiati parewiyatsie Nos Late Servir, xawati tuukari matineikakatsie pitiutiyinekai Tonalá metá Guadalajara, Wararakara Hauriwekamepa kuraruyata haika 'ikitiarika miwaku'ikita pitiutiyinekai. Mi pai, piyuetua 22 mil mayiitarikaapa katiyuwiyati, kami mepuparewiya 5,000 kiekataari, 28 colonias metehawiyatikaiti.

'Apaíta, Unidad de Apoyo a Comunidades Indígenas (UACI) 'akuxi peixeiya Hospital Civil de Guadalajara taita yuki matiari kiekataari memiwaparewiya, maana pitiwewie: 'iwaurika kimana teitéri kwiniya memukaxexeyariwa, teitéri ya pitiwakihawe hakewa memeti'uayemarieni, waxapate 'aixi pititiyuruwa, tumini parewiya pikuwawa kimana memaku'uwaniki ya yu'iwama mikite yukie memiwaretikiniki, xapate pitiyuwewie 'uaye memiyetuiriyariwaniki; xapa 'aixi pititiyuruwa tekwikate wakwiniya manuye'ixiariwatsie memikawiyariekaki metá ki pikuwawa wa'iwama muuwa me'ayeteti memiwa'aitaniki. Kayuati enero 'uti'ati diciembre 2022, miiki ki piwaruparewi 946 tekukwikate yemeki kita mitiwayu'uayemarie memikayehetei, 265 tekukwikate mitiwa'uayemarie memiyehetei, 61 tekukwikate memutixitekie metá 11 yupaiti memukwi; miiki yunaiti xaitsie 20 paimeti matiari kiekaripa mumanetikatsie kiekataari. Ki Mitiwa'uayemarie calli tecolhuacateca tochan Tuxpan Jalisco muwetsie, 247 meyupaimeti teitéri meputi'uayemarie 'uaye meripaiti miemeki.

### 3.2.3 Hauriwekamepa Kiya

Programa CASA Universitaria mitiuyumare piyexata yuparewiya teitéri tewa memikiekaariki ya tumini memika'umanaki 'aixi memikateyuku'ikitiwa. Miiki Ki mukú'utika pitiuyepitika computadoras tsiere xapate teriwariwaame, paina internet peuxeiya, yunaime kiekataari wahetsie pimieme. Miiki tsi, pai piri-kukwewie kename yunaiti metehetimamateni makina maiyá hetsie timieme, metá waparewieka yunaiti teyi'ikitiwaame hura 'iiki piinite tiwakupiniriet. Mitiyi 2022 wiyari, 'iiki parewiya Ki piku'uitiakai 35 paimeme naime 'etsi-

taru Karitsiku mitama, 7,397 parewiya piyetua, teyi'ikitiwaamete 2,862 meyu-paimeme mepiwaruparewi metá 5,535 mepaimeti wamitiyuehane kiekataari.

### 3.3 Hipame wahamatia tumini 'uuximayátsika mayuyexeiya

#### 3.3.1 Kite tumini 'uuximayátsikayari miwayuweriya

Hauriwekamepa piyukewerire yeiyari tumini 'uuximayátsika mitirikariyani-ki, kimana hauriwekamepa kiekariyatsie 'uuximayátsika 'aye'atikaiti miyuyeweyaniki. 2022 wiyaritsie, yukita Unidad de Centros de Emprendimiento e Innovación (UCEI) pitiukuyuitia mauyuyepieniki tsiere mitiniitarieniki 6 kite tumini 'uuximayátsikayari miwayuweriya (Centros de Emprendimiento) kimana naiti mayani 23 ki naiti hauriwekamepa. Maana 'ikitiarika piyetuiya 6,265 paimeti, 2020 wiyaritsie heuyuka'iniatati puyutimiriya 30% paimemeki.



Kite tumini 'uuximayátsikayari hekwati miwayuweriya

#### 3.3.2 Xapa niuki mayukaxewiriya yimiireti wa'uuximayátsika

Mitiyane 2022 wiitaari, Wararakara Hauriwekamepa putiwewi 79 xapa niuki mayukaxewiriya yimiireti wa'uuximayátsika (convenios) hipame tsunuarite ya kuruxite wahamatia. Yunaiti, mekateyuwiyati kiekariya memite'uuximayakaki, memite'ayexeyaniki, 'aixi memite'akuyuruwaniki weri memiteheutei wahetsia. 29 xapa mutiwewiya metá mutixirikie 'eena Mekiku pitiuyi, 20 ri ta 'etsitaru 'iitsikame tsunuariteya wahamatia, 26 paimeti puyutiwewi municipio muku'utika wahamatia metá naukati tsunuarite 'anutaie muku'utika wahamatia. Naiti miiki xapa muyutixirikie, 2% paimeme SEMS putiwewi, 19% ta Administración General, 65% Centros Universitarios, 'imatiriekari 14% yu'iniarime tiutiwewi SUV.

Tumini 'uuximayátsika ri ta miyutitirikariyaki, 2022 wiitaari Wararakara Hauriwekamepa pakatetia xapa niuki mayukaxewiriya yimiireti wa'uuximayátsika, miiki 37 kite tumini memi'iwatiwe wahamatia, 8 paimeti ki 'anutaie paiti piku'u, 20 'eena Mekiku kwieyaritsie, 6 ri ta 'eena 'etsitarutsie, 'imatiriekari 3 municipios wahetsia. Centros Universitarios putiwewi 21 xapate (57%) hipame ki tumini 'uuximayátaamete wahamatia, mi ri ta Administración General tiutiwewi 16 (43%).

Wararakara Hauriwekamepa hipame hauriwekamepatsixi Mekiku muku'utika metá tsiere 'anutaie paiti miti'u wahamatia miti'uuximaya, 'ipai reiku'eerietii piyane kename yunaiti meyuniti metekuxatani, yunaiti tirikaiyemeki memite'uuximayáka mete'akatetiati maiyá yeikiya, miyiweniki teyi'ikitiwaamete metá 'ikitiarika 'uuximayátaamete xaitsie hauriwekamepatsixi wahetsia memuyekikani, metá yunaitiati yukiekariya 'aixi memite'akuyuruwaniki. 'Aimieme 2022 wiyari putixirikie 40 xapate hetsiena yimiireti wa'uuximayátsika mayukaxewiriya, maana 27 paimeti tsunuarite 'anutaie mu'utika wahamatia, xewiti Mekiku taita kiekame hamatia, 11 'etsitaru ku'ukame metá xewiti municipio hurawa.

### 3.4 Waika maheekfa 'etwimeki kiekari ke mitiyi'wiya

- Wararakara Hauriwekamepa pi'iarixi wewiyarikatsie Declaración de Guadalajara CUPIA-ANUIES, maana matiari Mekikupa pai mitiu-yuxa kename yunaima kiekataari wahauriwekamepatsixi miti'u miiki mete'uuximayáka yurienaka kwiniyaya manukanuaniki, 'iteiriteya, tewatsiximama memikateyuniniki; tsiere pi'iarixi ki piinite miti'utatika (museos) memuyukuxeiritsie ya memihekiataniki Nueva Agenda Urbana de ONU-HABITAT tsiere niuki ke miti'aneni mixuawe Yurienaka wewiyarikatsie timieme.
- Mitiiyi 22 tuukari 'utiniereti 24 agosto, puyutawenaxi Cumbre Internacional del Hábitat de América y el Caribe maana Conjunto Santander de Artes Escénicas (CSAE), 'aana pituuyutixa ke miti'aneni yurienaka kwiniyaya miyuparitiaakaki, metá niuki mayuye'atiwaniki ke mitiyu'uuximayaka Yurienaka pareku muyuweriyani 2030 wiitaari 'uyutipiti miiki ONU miti'iyaaaritaxi.
- 2022 wiitaari, kanitiyani 47% tatsiari hauriwekamepa muyutiwewi tepia tau ki kixiya miwewie. Katsutiti 2019 wiitaari 'uti'akameki 2022 wiyaritsie, naiti tahauriwekamepa 9% 'utsiya kaniuwewieni miiki (kW/h) tatsiari energía eléctrica.
- Rectoría General kiya ta, piyukuxeiri 11,595 kilogramos paimeti tepiate mikayiwawetika miiki heuyutawaireti 'uuximayatsikatsie "Prototipo para acopio de residuos electrónicos en escuelas por medio de una sesión educativa".
- Wararakara Hauriwekamepa yu'uuximayátsikatsie Brigadas Multidisciplinarias, metá meteparewiekaku teyi'ikitiwaamete yixaita memiyuti'uitiwa, mitiiyi 2019-2022 mepuparewiya 124,576 teitéri weri 'anekia memutetika kiekaripa, mepuparewiya 'uayetiarika, waikaritiaarika meta 'ikitiarikatsie.
- 2022 wiyaritsie, 'ikitiarika piyuyetua 6,265 meypaimeme wahetsia, miiki pitiyuriekai 23 kite tumini 'uuximayátsikayari miwayuweriya Wararakara Hauriwekamepa memitehawiya, 2019 ke paiti mu'iniarixi hiiki 23% paimemeki putitia miiki parewiya.



## 4. Yeyari mayukumaikaki

Metenaimitiati ke memiteutiuruwa memite'ikitatsie, memite wautiwetsie metá hakewa paiti meyuxeiya 'iiki 'uximayátsikate, Wararakara Hauriweka-mepa yapiratiparewixime 'uxa'a 'uxa'a metá mekauka'uxipiweti yíraritiarika mi ri yeyari miyutani'awa mikauyewautseniki karitsiku 'etsitaaryari meyu-parewietitsie memítinenetiwa timíireme yeyaritsie metenaimitiati disciplinas mi ri kiratseyari wichi tiwewiyakate mitikuxata kananuyexeyani tsi yutaita metá hauripataari wawarita memiwayetetikatsie kimaanaki teitéri waana me-manuhane parewiya memexeyaniki.

### 4.1 Witsi tiwewiya mityuwewie metá miyutani'awaniki

#### 4.1.1 Yeyari mayutinenetiwa

##### 4.1.1.1 Feria Internacional del Libro

Feria Internacional del Libro (FIL) payutiwewixime 36 wiyari, kanayeikanitsi memiwata'axe memayutixexeya 'utiarikatsie timieme memitekuxata waiká mitseye América Latina muyehanetsie, tsi kanayexeyani 'utiarika, maiyá miyuyeweyaniki mi ri tirikaiyemeki 'ixatsika mayuyexeyaniki. 2022 wiyaritsie kanayutinetiani, 26 noviembre katsutiti 4 diciembre 'uti'ati, wa'iwataame muta'inierie kanayani Sharjah mi ri yeyari árabe mekanakine. 'iiki miratine 806 mil heima 'iwataamete mekaneukikínixiani mi ri 18 millones heima 'iwa-



taamete virtuales, 1,255 mayiia mayutiwewi mirayutinetiatsie. 2022 mayutinetia tsie, FIL panuitia mayiivarika teyuxeiyati, wakaheuka hipati virtualidad 'iiki mayiivarikatsie. 'Atanauka tuukari 'iiki FIL mayutiwewitsie, puyuwewixia 68 miratixaxatsiwa teyi'ikitwaametsie mitikuxata, 240 miratixaxatsiwa 'ixat-sikatsie mitikuxata mi ri 625 xaapate tiyutihekiataxi.



FIL taíta waikáwa yeyari miyexatsie

#### 4.1.1.2 Festival Internacional de Cine Wararakarapa

Festival Internacional de Cine en Guadalajara (FICG) 'iiki pihiki kwinie temiteixeyakuniki, wiwamete, miyuyexataniki mi ri muyutani'awaniki 'iiki cine mexicano metá iberoamericano, tsi kanayani mirayutinenetiwa yeyaritsie timieme waiká mahekiarixi Hauriwekamepa, kiekaripa mi ri wanapai manuhane. 37° paimerieka mayutinetiatsie 10-18 junio 'uti'ati 2022 wiyaritsie, Polonia kiekariyari kaneukuyeixiani ta'iwatame hepai, tsi kanihikitini taparewiwame 'iiki creación filmica hetsie timieme. Hiiki mayutinetiatsie 142 'ikiya muyuatika (películas) naimeki kananuyenetarieni.

'Ixiarari mayutinetia pi 'iarixi yiniti secciones competitivas, waiká 'ahekikiareti Premio Mezcal, tsi kaniu'iarire 9 títulos de ficción (yurimemikayia) miri documental tsie miranayeneika, mirayu'iwaxi kanayanitsi mejor película mekiku mutawewiyaki titewamakeki El Reino de Dios, Claudia Saint-Luce mitawewi. Tsiere ta Premio Maguey, katiniumamatiwani galardón a la cinematografía Queer waika mimatiwa Latinoamérica muyehane, kaniuhekiatatsi yuri 'iwarikatsie, 13 largometrajes naitсарie mitiuyehane mayenixia, kanayanitsi yeme perikura 'aixi mi'ane Mi Vacío y yo titewati, Adrián Silvestre wewiyaya España kiekame.

#### 4.1.1.3 Wichi 'ixiarari tñiri metá teemari wahetsie mieme: Papirolas

Huutakia mayutinetia 'iiki 'ixiarari tsiyupaimemeki COVID-19 mutaweki, 2022 wiyari mayutinetiatsie 'iiki 'ixiarari tawari pukayua mayiirikaki 'iwataamete 'uxa'a 'uxa'a memuta'axeniki 5-9 octubre 'uti'ariti, titewakame #LosLibros-TeHacenLibre, 65 mil teitéri maneukikinixiani mi ri meteitihuutameritia matsi ke yupaimeti memeukikinixia 2021 wiyaritsie. Wa tekaheikahiati timiireti katinayemiekaiti 'ixiarari virtuales hetsie, mekaniuyukixeirini 2 millones heima redes sociales hetsie meutahaketi mi ri transmisiones en vivo tsie, me'iariti tsiere Estados Unidos, Canadá mi ri España kiekataari. 2022 wiyari, 7,000 heima tñiri 'ukári, 'ukitsi metá teemari yaxeikia ta 368 'ukirawetsixi meteukikinixia mayenixiaka 87 'iitsikate ni'aariwama 'ikitirikatsie mi ri privadas karitsiku mukuwetikatsie, 70 metemietexi wararakara hixiapayaritsie mi ri 17 metemietexita wararakara manumanetikatsie 'etsitaaru mekanuyekikati. Tawari mekananunittiani xaitsie paiti 'ataxewime paimeme 'iiki 'ixiarari, 5 kanatinetiarieni wararakara hixiapayaritsie mi ri huutati wararakara warita mumanetikatsie.

#### 4.1.1.4 Kwikari Naitсарie Mieme 'Ixiarariyari mayutinenetiwa Wararakarapa

Kwikari Naitсарie Mieme 'Ixiarariyari mayutinenetiwa Wararakarapa, teiwariki titewati Feria Internacional de la Música Guadalajara (FIMGDL) meripai pititewakai Feria Internacional de la Música para Profesionales, 'iiki 'ixiarari

kwikaritsie mieme waiká mihekia pihiki Mekiku kwieyaritsie mi ri Latinoamérica. Meripai mayutinenetiwakaitsie xeikia pihikitai ke mi'ane 'aixi memi'ane-ne yuitiarikatsie, 'ata hairieka mayutinetiatsie tatsiari 09-12 noviembre 'uti'ati 2022 wiyari, matiari ke puyutawewi 'inierika meyunaiti teitéri 'iiki kwikari 'ixiarariyaritsie mi'iariniki, 'ana mekaniwarukuxeirieni 4,800 'iwataamete.

## 4.2 Ki kiekári pinieya

Wararakara Hauriwekamepayeyari kiya mexeiya muuwa kanexeyani ki yaki muyeyeyu miyuwewiekaki, miyutani'awaniki mi ri tewapaiti meyuxeyani-ki wichi tiwewiyarikate mi ri yeyaritsie timieme, titetewati kaniuku'utikani Conjunto Santander de Artes Escénicas, Cineteca, Librería Carlos Fuentes, Cineforo, Estudio Diana, Museo de las Artes (MUSA), Parainfo Enrique Díaz de León, Teatro Experimental de Jalisco, Teatro Vivian Blumenthal mi ri Plaza del Bicentenario del Centro Cultural Universitario (CCU) tsiere ta ki 'amipapa rexeiyea Auditorio Telmex mi ri Teatro Diana titetewakame, maana tsi mekaniuta'axeni wichi ti'aneneme memitehatinenetiwa waiká mimatiwa América Latina mi ri 'iiki miratineika karitsiku 'etsitaruyaritsie waiká kaniyukuhelikia-reni yeyari miyutani'awatsie. 2022 wiyari, 'iiki kite ta piyutiwewi 7,507 'ixiararite, naimeki un millón heima 'iwataamete mekaneukikinixiani.

## 4.3 Hauriwekamepa yeyarieya tiwiyakame

### 4.3.1 Hauriwekamepa 'iyaarieya metá 'aixi 'iyaari miyehane yeyarieya

Hekwariyatsie 'utiwieti Plan de Desarrollo Institucional (PDI) 2019-2025 wiyari, heutinieremeki 2030 wiyaritsie, puyukake hauriwekamepa 'uuximayátsikaya Identidad Universitaria titewati, heutaniereti kename metáye'atiani memiyitimiireki metá memiteyumaikaki kename hauriwekamepataari kiekataritsie metáwiya. Maye'aniki, kaniuyutawewieni 'iwaureka internet hetsie reuyuku'erieti ke meyupaimeti mepiteyumate kename metáwiyani Wararakara

Hauriwekamepa, 'iniarikatsie mekaniyuhekiare 1,114 teitéri kename me'u'ia-rixi miiki 'iwaarikatsie. Yaxeikia, puyuhexiarixi hauriwekamepataari kename tetawiya tekanikaxexeyani teyu'ikitawame memuta'axetsie, teyu'ikitiwame wahetsie, teitéri wamayitarikatsie, wapaapáma metá wamaamáma wahetsie, tsiere ta kiekátaari wamemuyehane wahetsie marchas memutiwewiwa hauriwekamepataari wahetsie memitekuparewiwa, tumini parewiya ya 'aixi 'aneme memexeyani ki, maana tsi kanahekikiareni yemeki ke temiteyuparewie metá ke temiteyukaperewie 'iiki 'iitsikamepatsie. 2022 wiyari, hauriwekamepa kiekataari mepuwewi yeiya kwinié miyewa, mekaniwarukixeirieni 103 mil heima hauriwekamepataari kimana memikweriekaki kename yuxaita meyiwawe mi ri 'aixi paimeti tumini manakani'ariwani Wararakara Hauriwekamepa hetsie mieme.



Teyi'ikitiwamete miirikia wahiware, 'uayetiarika tsiere 'ikitiarika hetsie menuati

Hawai pítata, waiká tepehekiariyani 2022 wiyaritsie Wararakara Hauriwekamepa puhekiataxi Protocolo de atención a personas con una orientación sexual e identidad de género diversa o disidente, kanihikiti tsi kepemitiweiyani reglas de actuación tiwapini teitéri DDU memite'uximaya, kimaanaki texierika tewi heitserie xeyarika memexeyaniki Wararakara Hauriwekamepa kiekataari mi ri memipitarieka mikaxuaweniki hekarika, tsiere tahauriwekamepataari 'ukári metá 'ukítsi 'aixi 'iyaari memiyuxeianiki.

### 4.3.2 Yaxeikia metexeyarieti

Marzo metseyari 'iiki wiitaariaritsie temikuxata, panutaha Protocolo para la Prevención, Atención y Sanción y Erradicación de la Violencia de Género en la UDEG (PPASE). Tsiere ta, Coordinación General de Recursos Humanos (CGRH) patinetia 'ikitiarika 'etsi hayetewime titewakame Igualdad de género, prevención de acoso y hostigamiento kanaye'atiani 'aixi memiwarutiyuri yunaimeki 4,864 teitéri hauriwekamepa kiekataari. Waiká temaxaxata, yunaukati meyuniti Hauriwekamepataari Asia mi ri Europa muku'utika metá Wararakara Hauriwekamepa matia mekanetimatiwa 2022 wiyaritsie kename mehiki xewiti 'aixiwiti 'iitsikamepa 'ikitiarikatsie naitsarie manuhane muku'utikatsie yeme 'aixi memikuyuruwa yaxeikia kiratseyari temitexeyanikítsie mitikuxata, kanaaneni tsi Instituto Internacional para la Educación Superior de América Latina y el Caribe (IESALC), de la Organización de las Naciones Unidas para la Educación, la Ciencia y la Cultura (UNESCO).

'Imatriekari, 15 diciembre 2022 wiyaritsie Consejo General Universitario (CGU) panukake Maestría en Estudios de Género CUCSH, kaniyukatsutia miiki me'anutayaxiketi 2023-B wiyaritsie, kaneutiniiremiiki 3 líneas de generación y aplicación del conocimiento: kiratse, ya xeikia temikatanuyehu, xanetsika mi ri tirikariya; kiratse, 'ikitiarika, wewiya mi ri yeyari; kiratse, sexualidad, xakaari metá ta hekiariya mi ri masculinidades.

### 4.3.3 Mayiitarikatsie te'uuximayátaamete

2022 wiyari hayexiximekaku Hauriwekamepa mepite'uuximayákai 10,581 teitéri wamayitarikatsie. Ke memitetitamexi, CGRH mitawewitsie xapa kanaanenitsi kename 'ukári memite'uuximayá winiyari hauriwekamepataari mayiitarikatsie kananutiyeikani 53.4% paimemeki; mi ri ta, 'uuximayátaamete memiteni'a ya wa'ukitsiema memihiki maana hirixia 'ukítsi pita mekaniyumii- reni, 2.6% paimemeki mekatenuyu'iwani 'ukári wahixie. Xika 'aixi teteixeiya 2021 wiyaritsie, ke yupaimeti 'ukári te'uuximayátaamete wa'ukitsiema memihikikikai mekananutiweni 1.4% paimemeki, meripai tsi kanihikikikaitini 47.3 % 'ana ri ta 48.7% kaniuti'ani.

**Tapira 3. Ke memiteutani'ariexia teitéri mayiitarikatsie memite'uuximayá, 2022 wiyari**

Hauriwekamepa	Te'uuximayátaamete mayiitarikatsie		
	'Ukítsi	'Ukári	Naiti 'iniari
Centros universitarios regionales	2,380	2,664	5,044
SUV	87	129	216
SEMS	1,428	1,576	3,004
Administración General	1,039	1,278	2,317
Red Universitaria	4,934	5,647	10,581
Porcentaje hetsie yu'iniatati	46.60%	53.40%	100%

Mitawewi: CGPE wewiya AE 2022 maiyayatsie yuparewieti, tapira 7.2.1. maiyá 'utiniereti diciembre 2022 wiyari.

### 4.3.4 Hauriwekamepa ke mitiyu'uuximayáta tsiere ke mitiyu'iniata

#### 4.3.4.1 PDI hekwtiarika

'Uuximayátsika hekwtiarika Plan de Desarrollo Institucional (PDI) 2019-2025 wiyari, 2030 heutinieremeki, kaniutawewiyani meyuwaikawati me'u'ia-reku hauriwekamepa kiekataari. Reyuku'erieti kename mehanuitiani ke memiteyukihawe hauriwekamepa kiekatari, metá tsiere wamemuhane teitéri ke

memiteixeyaku mi ri ke memiteyukihawe Hauriwekamepa hetsie mieme, kaniutawewiyani 'iwarika internet hetsie, mekaniu'iare 33,427 teitéri.

PDI hekwtiarika mayuyexeyakatsie putiwewiya 2022 wiitaari, 13 xeiriya 'uuximayátsika, mi ri mekaniu'iarire 789 teitéri. Yuhepaitsita hauriwekamepa kiya makú'utikatsie mekateniuta'uuximayataxiani yu'ikitariika ke memitewena hekwtiarikatsie timieme, mekaniwarukuxeirieni metá meteu'iarixi 12,497 heima teitéri.

#### 4.3.4.2 Muyu'iarixi 'iwarika 'umapai miemetetsie

2022 wiyaritsie, hauriwekamepa pu'iarixi 'atahuutame 'iwarikatsie (rankings): xewiti Mekiku mieme, xewiti Latinoamérica mieme tsiere 'aixiwiti naiti kwie ke minenatsie miemete.



UdeG wapai payuhekiataxi miyuwewitsie QS Stars

Tapira 4. UDeG ke miraneyenexia 'iwarikatsie, 2022 wiyari

'iwarika ke mititewa	Ke pai ma'iwaxi 'anutaie miemetetsie	Kewa mekake 'eena Mekiku hurawa miemetetsie	
		Yunaime hauriwekamepatsixi wahixie	Hauriwekame patsixi memikateyuwiya wahixie
El Universal	-	13	4
QS Latin America	42	5	1
QS World University	927	14	3
THE: Impact	330	3	1
THE: Latin American University	109	15	9
THE: World University	1,597	17	13
UI GreenMetric World University	364	13	5

Mitawewi: CGPE wewiya xapate 'iwarikatsie (rankings) yuparewieti.

Xeyari xewi. Ranking Quacquarelli Symonds (QS) mi ri Times Higher Education (THE) World University ke memiteuhápxia mepanayenenetiwa xei wiitaari 'anutiyeikakaku. Payutiwewixime hetsiena meutiwiti memenayenenetiwani.

Xeyari hutarieka. Ranking QS World University, Times Higher Education Impact miri Times Higher Education: World University mepanayenenetiwa ke memiteuhapaxiatsie, yeme kewa memeka'uixia mepanayahapana orden de aparición de las IES en las listas por rango tsunarite memenayenenetiwa.

Ke memiteuku'utika respecto a IES 'ena hurawa mieme panuyukamaana meikutsututiwati listas por rango tsie mekanenayenenetiwani tsi tsunarite. Tsunarite IES mepika'ari 'iiki nivel hetsie.

2022 wiyari, naiti Mekikutsie hauriwekamepa waikawameki pahexiarixi, 'iwarikatsie QS Latin America metá THE: Impact hetsie. Matari mieme miiki 'iwarika payexeyia hauriwekamepatsixi wahetsia meikatsututiwati teyi'ikitawame wa'uuximayátsikatsie, ke mireuhana miri ketipaimeme miranayenenetiwa yeikiyatsie, xika 'aixi metekahuni teyu'ikitawaamete, 'aixi xika meteu'iyaa-rini teyi'ikitawaamete 'etsikwera memanayenixia, xika 'anitaie paiti tixaiti mete'ayexeyani. 'Apaíta, 'iwarika THE: Impact payexeyia ke memiteuparewi hauriwekamepatsixi mayue'atianiki ke mireyukuwewie Objetivos de Desarrollo Sostenible (ODS) miiki mitipi Naciones Unidas.

Waiká tepahekiarita, ti'ininiatame QS Stars Rating System mititixexeiya ke mirayetse'e mirayemie 'ikitiarikatsie, xika 'aixi reukuwewiyatikani kite, teyu'ikitiwaamete 'etsikwera memanayeki xika meteheu'uximayáka, kiekari-pa ke mitiyuparewie, xika yunaimeteitéri wanaki'erieka, mi ri tawari hipáme 'ikitiarika waika mayuyexeiya; Hauriwekamepa 'aixi pitiuke 'ataxewi hetsie, miiki naiti 'atahaikatitsie piti'iniatsie (Docencia, Oportunidades de Empleo, Internacionalización, Desarrollo Académico, Enseñanza en Línea, Fortaleza del Programa de Medicina, Arte y Cultura, e Inclusión), pihiki waika mahetikiare mirayuye'atia, pikaketsa Wararakara Hauriwekámepa wapaiti yeme 'aixi memi'anene hauriwekamepatsíxi 'ena manuhanetika metá hutapaiti manuhanetika tsie.

'Aixi mitiu'uximayataxiki Dr. Ricardo Villanueva Lomeli Tsauri Weékapa hetsie mieme ki, Dr. Villanueva hutarieka tsie kanikakeni yu 'uximatsika ki 'ena hurawa manuhanetika tsie 'iiki primer Ranking de Rectores de Universidades Públicas, mekaniwaruwewirieni 32 'iitsikamepa tari kiekari tsie memanuhane tsi kaniuxeiya kememite'uximaya 35 'anuhaitiakate 'iitsikame kiekaripsatsie mieme texi miiki kanikuwewiwani casa encuestadora CE Research.

### 4.3.5 Ke paimetí tumini muyutixitia

#### 4.3.5.1 Tumini menakaní'awá 'iitsikame wanapaití makáwe tsiere 'eena hurawa muuwe

Kuruxi miyukumayianiki 2022 wiyaritsie, Wararakara Hauriwekamepa pi'itiarie tumini parewiya \$13,126,211,202, paímeme, kananutiweni 3.7% 'iniariti, miiki tsi 2021 wiyaritsie mekaniu'itiarieni \$12,649,130,935 xeikia. 'Iiki kuruxi miyetuiya 50.4% parewiya piyetua 'iitsikame watapai Mekiku maakawe 49.6% paímeme ta pimieme 'etsitaaru makawe menakaní'awa.

**Tapira 5. Tumini menakaní'awá 'iitsikame wana pai makáwe yaxeikia 'eena hurawa muwe, 2020-2022 wiyari**

Ke mititewa	2020 wiyari	2021 wiyari	2022 wiyari
Kuruxi parewiya wanapai makawe menakaní'awa	6,166,550,224	6,375,107,035	6,614,363,034
Kuruxi parewiya 'etsitaaru makawe menayetuaya	5,991,930,627	6,271,688,800	6,509,513,068
Kuruxi parewiya 'etsitaaru makawe menayetuaya (Departamento de Madera, Celulosa y Papel)	2,335,100	2,335,100	2,335,100
Kuruxi parewiya naiti yu'iniatati	12,160,815,951	12,649,130,935	13,126,211,202

Mitawewi: CGPE wewiya maiyá tsie yuparewieti Dictamen Núm. II/2019/2128, II/2020/537 mi ri II/2021/1058 del H. Consejo General Universitario. <http://www.hcgu.udg.mx/dictamenes>. Kaniuyuxeiya 13 marzo 2023 wiyaritsie.

#### 4.3.5.2 Tumini tahetsie ke temite'i'iwaxi

Tumini niukiyaritsie 2022 wiitaari, hauriwekamepa yuxaita yu'uximayatsikatsie pikuxeiri \$1,377,299,258 paímeme kuruxi. 'Iiki tumini muyukuxeiri, 65.5% mayiitarika 'ikitiarikatsie kanimiemetini, makunexia mitiuyutitixi exámenes extraordinarios, exámenes de acreditación de competencias mi ri parewiya 'etsiwa memiyetuayakai kita miranuyuyexexeiya hetsia, mi ri hipáme xapateki. Xewiti ta 'ikitiarika waiká mahekia 'iiki tumini ke mitiuyu'iwaxi tsie kanayani piinite harerutsiya, miiki 20.5% katinipinieyatini.

#### 4.3.5.3 Heekiakameki tumini ke pai mitiuyuxitia

Pitiuyi 2022 wiitaari, mitiuyuparewi 'aixi titi'itiariwati 'uximayatsika ya kite tumini miwa'iniatsie metá miwahekiatsie, 'ayumieme puyutihekwarixi 1,419 paímeme 'uximayatsika yati'anene mirakatetia, kimana pirayuye'atia mitseyeniki xewiti base para los procesos de gestión documental, 'eena UDEG. Ya xeikia tsiere, putiwewiya metá tiutixeyarie 1,488 'ikitiarikate, meyexatati parewiya mi ri ke pai matsi 'aixi memite'uximayaka teitéri ke mi'ane 'eena hauriwekamepa memite'uximaya kimanaki tema'ewaniki ke paímeme tuukari mutipine Ley de Transparencia.

#### 4.3.6 Yaxeikia ti'aneneme memíteheuxeiyani

Parewiya Prioridades payexeya memítewayuti'ikitiwa meuyuyepixiani, ki miyutiwewixiani, kimana memanutayaxikeni 'apai hurawa meyuxeirieti metá tepiate makina maiyá mitihekiata metehexiyati, maananaisarie Wararakara Hauriwekamepa kiya mu'utikatsie, 'aimieme puyutinuiwitsitia 'ataxewime parewiya xaki pepeti:

- Mil aulas. Kaniutihakwariyarieni metá 'aixi tiuti'ikatsixia naimeki 2,897 kite memítewayuti'ikitiwa hauwerikaripa mi ri hauri wekamepataari kuraarutá muku'utikatsie.
- Fortalecimiento de Laboratorios. Putani'ariexia naimeki 780 piinite, 52 kita miranuyuyexexeya wahetsie mieme SEMS, 10 miranuyuyexexeya ciencias de la salud hetsie timieme CUTLAJOMULCO hetsia, mi ri 4 miranuyuyexexeya biología hetsie timieme CUCSUR hetsia. Tsiereta, meteupairitiae ti'utswame kimaanaki equipos, reactivos, materiales, tarjas de lavado y guardas, escritorios, sillas semi-ejecutiva miri sillas memi'utani, ya xeikia kits de física meteupairitiae 26 laboratorios de ciencias básicas wahetsie mieme, naimeki kaneuyeweni \$16,777,344 paime. 'Imatiriekari meteupairitiae \$49,980,286 paime, kimaanaki memítinaneni metá 'aixi memityurieni ki 70 laboratorios SEMS mieme mi ri 11 centros universitarios de la red mieme.
- Tus Prioridades. 2022 wiyaritsie kaneuyuyepixiani 11 gimnasios kanimemetini tsi 12 Escuelas Preparatorias Regionales hetsia, mi ri tiutinirie 'uximayátsikate canchas multiuso 6 Escuelas Preparatorias wahetsia, 'iiki ki kuruxi mekaniutixitiani \$15,642,543 paime. 'Imatiriekari meteupairitiae \$35,500,000, kimanaki naiti mireuyewetse mititinanaiyaniki.
- Conexión de León. 'iiki parewiyatsie putimiriixi internet naime hauriwekamapa mixuaweniki. 2022 wiyaritsie, SEMS matia meyuniti putanirie huutarieka mieme 'iiki 'uximayátsika 'utiarikayari, kaniu-

timiire 1,312 mexia mixuaweniki internet. 'iiki wiyaritsie maxaxatsiwa mepupairitiae 70 equipos de seguridad de la red de datos, payuye'atia 25 mitiwayu'ikitiarie memexeyaniki metá memeutahakeniki red inalámbrica tsie mi ri 17 mitiwayu'ikitiarie cableado estructurado memexeyaniki.

- Fortalecimiento Tecnológico. Naitsarie hauriwekamepa kurarutana mukumanetsie mitihekwararieniki piiniteya makina maiyá mitihekiata, maana heyukuwareti 'ikitiarika 'aixi mitiyuweiya, ya 'aimieme tumini piyukuwau \$24,433,732 paime puyukuxeri, Rectoría General kaniutayinitsi kename parekumeki 'itatuaxianikekai.
- Comedores para personal administrativo. 'Iiki parewiyatsie puyukumayia tumini paime \$1,988,777, kimana ki memítewatikwa'a mayiitarika 'uximayataamete, miiki ki puti'ikatiae piinite mireuyewetseki metá piinite electrodomésticos mitiuyuteriwatika. Ya piituyi tamaamata 'etsikweratsie haika 'ikitiarika mayuyexeya, 3 hauriwekamepatsie metá xeime kita AG yawiyati.

#### 4.4 Waika maheekíá mirayuye'atia yeyari mayúheekiatatsíe

- Feria internacional del libro (FIL) payutiwewixime 36 wiyari panu-yemie kauyewautseti, 2022 wiyaritsie mepeukukinixia 806 mil heima 'iwataamete, mi ri 18 millones heima 'iwataamete virtuales 1,255 mayiia mayutiwewi mirayutinetiatsie. 2022 mayutinetiatsie, FIL panuitia mayiyarika teyuxeyati, wakaheukahipati virtualidad 'iiki mayiyarikatsie.
- 2022 mayutiwewitsie, FIL pipairitiae 'imikieri Orden de Rio Branco miiki pituyuri Brasil, waniu tsi mitiuhekiataxiki wichi ti'utiarika metá yeyari Brasil mieme, tsiere xapa teriwariwame brasil mieme harerut-siyari miyexataki naitarie manuhane tsie.
- Centro Internacional de Animación Taller del Chucho, mirawiyatsie Departamento de Imagen y Sonido del CUAAD hetsia, mateniutahayewa 'uuximayátsika sie coproducción del largometraje Pinocchio tatsiari mitawewi yetepa kiekame Guillermo del Toro.
- Miireti wichi tiwewiyarikate mitiuyatika mayutinetia hauriwekamepa kiteya ta, mi ri Auditorio Telmex, Cineforo, Cineteca, Conjunto Santander de Artes Escénicas, Estudio Diana, Librería Carlos Fuentes, Museo de las Artes (MUSA), Pantalla Bicentenario, Paraninfo Enrique Díaz de León, Teatro Diana, Teatro Experimental de Jalisco, Teatro Vivian Blumenthal, mi ri hipati tsiere, mekanatiwewieni naimeki 7,507 'ixiararite mi ri un millón y medio heima 'iwatamete meteukikinixia.
- Wararakara Hauriwekamepa pumatiwaxi kename mehiki xewiti 'aixiwiti 'iitsikamepa 'ikitiarikatsie naitarie manuhane muku'utikatsie yeme 'aixi memikuyuruwa ya xeikia kiratseyari temitexeyanikitsie mitikuxata, kanaineni tsi Instituto Internacional para la Educación Superior de América Latina y el Caribe (IESALC), mirawiya Organización de las Naciones Unidas para la Educación, la Ciencia y la Cultura (UNESCO).
- 33 mil heima teitéri hauriwekamepa kiekataari mi ri wana memanuhane, mekanu'iarire 'iwaarikatsie muwewiya muyutahekwariyaxi Plan Institucional de la Universidad de Guadalajara.
- Mitiku'ininiata QS Stars Rating System tsie hauriwekamepa panayeha yemeki 'aixi'aneme 'ataxewime katekuriyatsie tsi kaniuxeyarie 'atahaikati katekuriya, pihiki waika mahekikiare mirayuye'atia, pikaketsa Wararakara Hauriwekamepa wapaiti yeme 'aixi memi'anene hauriwekamepataari 'ena manuhanetika metá hutapaiti manuhanetikatsie.
- 2022 wiyaritsie 2,897 kite mitiwati'ikitiariwa 'aixi kaniuti'itariyani, kanaanuyuku'axe 62% naimeki ki Programa Mil Aulas heutiwieti.
- Dr. Villanueva huutariekatsie kanikakeni yu'uximatsikaki 'eena hurawa manuhanetikatsie 'iiki matiari 'iwarika matine Rectores de Universidades Públicas, mekaniaruwewirieni 32 'iitsikamepataari kiekaritsie memanuhane tsi kaniuyuxeyia ke memite'uuximaya 35 'anuhaitiakate 'iitsikame kiekaripatsie miemetexi miiki kanikuwewiwani ki 'iwawame CE Research.
- Watemikaheikahiwa, yatemiteheixeyia metá 'aye'axekaku memite-tixexeyia 'iitsikate tumini 'ixiariwamete metetewati: Auditoría Superior de la Federación (ASF), Auditoría Superior del Estado de Jalisco (ASEJ), mi ri hipati 'iitsikate tsiere memeyehiwa maariya tumini niuki mayexeyia; kanayeikanitsi memexeyianiki 'aixi 'anenemeki ranayeneikani 'iitsikamepa hetsia.
- 2021 wiyari tsie paiti, hayeyurenime matsi mepatinetia xapate matai'aitatsie materia de seguridad social mitikuxatatsie, matinetsiepaiti Ventanilla Única 'aixi matsi meputiyuri ke memiteutiuruwakai mi ri renaka'iraxi ke memiteuteterekai memikuxeyariwakaitsie 75 tuukari 'etsiwatikaku parewiya mi ri reretsu memiyetuiyariwaniki.



## 5. 'Imakieri matíwameki

Wararakara Hauriwekamepa waika piwakunanake memehékikiaritani 'imakieri, matiware memikipauritariwa hauriwekamepa kiekataari, tsi 'iiki 'iitsikamepa xeikia mekekati, tsiere wapai mekaneketsani, meyexatati memiki'iari-nikeniki mi ri 'aixi memikuyuruwani yameteiweiyati maana hauriwekamepa kiekataari. 'iiki matiware mepiwakupairitiwa meyuwaika tsunuarite kiekari-patsie, 'iitsikate miri yuhikiate teyumayiriwaamétetsie memitawiyatika.

2022 wiyari, hauriwekamepa kiekari pu'axixi 2 mil heima paímeme 'imakieri, matiware mi ri waikáwa hekiatsiya, 2,580 'iniariti katiniwapinitini teyu'iki-tiwaamete; 233 te'ikitaamete; 36 memaanayeki 'aixi memiteuhapaxia; 31 katiniwapinitini teitéri mayiitarika memite'uximaya mi ri 5 matiware payu'iwaxi AG kita. 'iiki tsauri weekápataari temiwakuxata disciplinas hetsie pi'iniatsie 2,011 maiyákameki hekwati wewiyarika; 145 'ikitiarika 'aixi mi'anetsie; 277 waikaripatsie; 28 yurienaka 'iwiyarikatsie pímieme mi ri 217 paímeti yeiyari metá wichi wewiyarikate hetsie mieme.



**Tapira 6.** 'Iniatsika ke pai 'imakieri muyukuxeiri 2022 wiyaritsie, Wararakara Hauriwekamepa.

Hauwerikamepa ke mititewa	Tita hetsie 'imikieri mirayu'iwaxi					Naiti
	Maiyakameki wewiyarika, makina maiyá tsiere hekwaraya	Yeyari tsiere wichi tiwewiya	Waikaripa	'ikitiarikapa	Yurienaka 'iwiyarikatsie	
CUCEA	4	0	0	5	0	9
CUCEI	12	0	0	4	0	16
CUCSH	1	4	0	21	0	26
CUCS	24	0	0	13	0	37
CUAAD	0	10	0	0	3	13
CUCBA	9	0	0	5	0	14
CUALTOS	19	1	1	0	1	22
CUCIÉNEGA	0	0	0	3	1	4
CUSUR	4	8	2	0	4	18
CUCOSTA	3	3	0	6	1	13
CUCSUR	2	0	0	2	2	6
CUVALLES	0	1	1	0	0	2
CUNORTE	4	0	0	1	6	11
CULAGOS	4	0	0	4	0	8
CUTONALÁ	7	0	10	0	1	18
CUTLAJOMULCO	0	0	0	0	0	0
SUV	0	5	1	0	0	6
SEMS	1,917	175	262	79	8	2,441
AG	1	10	0	2	1	14
<b>Naiti</b>	<b>2,011</b>	<b>217</b>	<b>277</b>	<b>145</b>	<b>28</b>	<b>2,678</b>

Mitawewi: CGPE wewiya AE 2022 maiyayátsie yuparewieti, tapira 10.7.1. maiyá 'utiniereti di-ciembre 2022 wiyari.

'Imakieritetsie waiká matsi mahekikiare kanayemiemi kuka Manuel Crescencio Rejón titewati kaniupairitarieni miiki wairitariika yu'uye 'ikitiarika 'uuximayátsikatsie 'aixi mitimieki Rector General Dr. Ricardo Villanueva Lomeli, mekanipairitiani Institución Nacional para la Celebración del Día del Abogado; karitsiku 2022 wiyari, tsiere ta te'ikitaamete, teyu'ikitiwaamete mi ri 'etsikwera memayenixia mekanutihiawarieni Premio Estatal de Innovación Ciencia y Tecnología hetsie, miiki 'iiki ya mi'anenetsie: tecnología; innovación por la investigación; investigación temprana; ciencia por el trabajo; tesis; mi ri divulgación, kaniwarupairitiani 'iitsikame karitsiku 'etsitaaruyari.

2022 wiyari, Wararakara Hauriwekamepa pumatiwaxi kename hiki xewiti 'aixiwiti 'iitsikamepa 'ikitiarikatsie naitsarie manuhane muku'utikatsie yeme 'aixi memikuyuruwa yaxekia kiratseyari temitexeyanikitsie mitikuxata, kanaaneni tsi Instituto Internacional para la Educación Superior de América Latina y el Caribe (IESALC) mirawiya Organización de las Naciones Unidas para la Educación, la Ciencia y la Cultura (UNESCO).

Waika tsiere mepaxaxata manutaha 'ikitiarika 'uuximayataame Juan de Jesús Taylor Preciado nehiki tsiri miembro de la Real Academia de Ciencias Veterinarias de España. 'iitsikamepa yeyari metá witsi tiwewiyatsie Víctor Cartas Valdivia, Juan Sebastián Santana Talavera mi ri Isabella Belén Hernández Sánchez 'etsikwera memakanixia (egresados) mekanu'axe 'imakieri mejor cortometraje documental hetsie mekanutawewienitsi titewakame Pepedriilo Festival Internacional de Cine de Monterrey mayutinetiatsie, mi ri tiyu'ikitiwaame Jonathan Lomeli kana'iwa preseña Emisario 2022 Premio Jalisco de Periodismo 2022 mayutiwewitsie.

## Memaka'uxa kehate memi'iarixi

Dr. Ricardo Villanueva Lomelí  
**Rector General**

Dr. Héctor Raúl Solís Gadea  
**Vicerrector Ejecutivo**

Mtro. Guillermo Arturo Gómez Mata  
**Secretario General**

**Responsables de la Integración**  
**Coordinación General de Planeación y**  
**Evaluación**

Mtra. Paola Lycette Corona Gutiérrez  
**Coordinadora General**

Mtro. Rafael Serrano González  
**Secretario de la Coordinación General**

Mtro. José Martínez Graciliano  
**Coordinador de Evaluación**

Lic. Andrea Carolina González Mendoza  
**Jefa de la Unidad de Análisis Estratégico**

Lic. Belen Elizabeth Flores Jacobo  
Lic. Ana Victoria Morales Barajas  
Lic. Eva Patricia Figueroa Arriero  
**Unidad de Análisis Estratégico**

Lic. Diana Esmeralda Ortega Ruelas  
**Jefa de la Unidad de Seguimiento y**  
**Monitoreo**

Mtra. Cecilia González Díaz  
Mtra. Viridiana Estefanía Gutiérrez González  
Dr. Aldo Francisco Ruezga Gómez  
**Unidad de Seguimiento y Monitoreo**

Mtra. María Guadalupe Pichardo Goby  
**Jefa de la Unidad de Estadística**  
**Institucional**

Lic. María de la Paz Flores Valdez  
Lic. Athziri Lizeth García Vargas  
Lic. María Guadalupe Díaz Orozco

Lic. Karla Lira Vidrio  
Cristian Alejandro Flores Flores  
Lic. Abdel Vidrio Reynoso  
David Emmanuelle Salas Ramírez  
Lic. Juan Manuel Buenrostro Teran  
**Unidad de Estadística Institucional**

Dr. Carlos Roberto Moya Jiménez  
**Jefe de la Unidad de Programación y**  
**Gestión para Resultados**

Jorge Leonel Chacón Zacarías  
Claudia Maribel Godínez Martínez  
Rosa Margarita Paz Pichardo  
David Alejandro Sánchez Jáuregui.  
**Unidad de Programación y Gestión para**  
**Resultados**

Lic. Claudia Janette Urzúa Jáuregui  
**Jefe de la Unidad de Proyectos y Fondos**  
**Externos**

Mtra. Cintia Elizabeth Castro Sánchez  
**Unidad de Proyectos y Fondos Externos**

**Fuentes de información**  
**Centros Universitarios, Sistema de**  
**Universidad Virtual y Sistema de Educación**  
**Media Superior**

**Centro Universitario de Arte Arquitectura**  
**y Diseño**  
Dr. Francisco Javier González Madariaga  
**Rector**

Mtra. Mariela Vázquez Hernández  
**Coordinadora de Planeación**

**Centro Universitario de Ciencias Biológicas**  
**y Agropecuarias**  
Dra. Graciela Gudiño Cabrera  
**Rectora**

Mtro. Héctor Horacio Pérez Navarro  
**Coordinador de Planeación**

**Centro Universitario de Ciencias Económico**  
**Administrativas**  
Mtro. Luis Gustavo Padilla Montes  
**Rector**

Mtra. Sandra Mireya Huerta Rangel  
**Coordinadora de Planeación**

**Centro Universitario de Ciencias Exactas e**  
**Ingenierías**  
Dr. Marco Antonio Pérez Cisneros  
**Rector**

Dra. Patricia Sánchez Rosario  
**Coordinadora de Planeación**

**Centro Universitario de Ciencias de la Salud**  
Dr. José Francisco Muñoz Valle  
**Rector**

Dr. David Elicerio Conchas  
**Coordinador de Planeación**

**Centro Universitario de Ciencias Sociales y**  
**Humanidades**  
Dr. Juan Manuel Durán Juárez  
**Rector**

Dra. Cynthia Cortázar Rodríguez  
**Coordinadora de Planeación**

**Centro Universitario de los Altos**  
Mtra. Karla Alejandrina Planter Pérez  
**Rectora**

Lic. María Guadalupe Calvillo Solís  
**Coordinadora de Planeación**

**Centro Universitario de la Ciénega**  
Mtro. Edgar Eloy Torres Orozco  
**Rector**

Lic. Claudia Ivette Lie Neri  
**Coordinadora de Planeación**

**Centro Universitario de la Costa**  
Dr. Jorge Téllez López  
**Rector**

Mtra. Karina Donlucas Magaña  
**Coordinadora de Planeación**

**Centro Universitario de la Costa Sur**  
Mtra. Ana María de la O Castellanos Pinzón  
**Rectora**

Mtro. Sergio Eduardo Castañeda Ortega  
**Coordinador de Planeación**

**Centro Universitario de los Lagos**  
Dra. Gloria Angélica Hernández Obledo  
**Rectora**

Dr. Javier Gonzalo Rodríguez Ruiz  
**Coordinador de Planeación**

**Centro Universitario del Norte**  
Mtro. Uriel Nuño Gutiérrez  
**Rector**

Mtra. Daylin Ortega Carulo  
**Coordinadora de Planeación**

**Centro Universitario del Sur**  
Dr. José Guadalupe Salazar Estrada  
**Rector**

Dra. Diana Rojo Morales  
**Coordinadora de Planeación**

**Centro Universitario de Tlajomulco**  
Dra. Irma Leticia Leal Moya  
**Rectora**

Mtra. Martha Cecilia Ledezma Ramírez  
**Coordinadora de Planeación**

**Centro Universitario de Tonalá**

Mtro. José Alfredo Peña Ramos  
**Rector**

Dra. Karla Alejandra Contreras Tinoco  
**Coordinadora de Planeación**

**Centro Universitario de los Valles**

Dra. María Luisa García Batiz  
**Rectora**

Mtro. Marco Antonio Cortés Ochoa  
**Coordinador de Planeación**

**Sistema de Universidad Virtual**

Dr. Jorge Alberto Balpuesta Pérez  
**Rector interino**

Mtro. Jonathan Alejandro González García  
**Coordinador de Planeación**

**Sistema de Educación Media Superior**

Mtro. César Antonio Barba Delgadillo  
**Director General**

Mtra. Io Abigail Osorno Jiménez  
**Coordinadora de Planeación**

**Administración General**

**Honorable Consejo General Universitario**

**Contraloría General**

L.C.P. Alfredo Nájjar Fuentes

**Rectoría General**

**Secretaría Técnica de Rectoría General**

Mtra. Martha Alejandra Gutiérrez Gómez

**Vicerrectoría Ejecutiva**

**Coordinación General Académica y de Innovación**

Dr. Carlos Iván Moreno Arellano

**Coordinación General de Investigación, Posgrado y Vinculación**

Dra. Carmen Margarita Hernández Ortiz

**Coordinación General de Extensión y Difusión Cultural**

Lic. Ángel Igor Lozada Rivera Melo

**Coordinación General de Servicios Administrativos e Infraestructura Tecnológica**

Mtra. María Guadalupe Cid Escobedo

**Dirección de Finanzas**

Mtro. Gustavo A. Cárdenas Cutiño

**Unidad para la Igualdad**

Dra. Erika Adriana Loyo Beristáin

**Secretaría General**

**Coordinación General de Comunicación Social**

Lic. Laura Ruth Morales Estrada

**Coordinación General de Control Escolar**

Mtra. Laura Margarita Puebla Pérez

**Coordinación General de Patrimonio**

Arq. Héctor García Curiel

**Coordinación General de Recursos Humanos**

Mtra. Celina Díaz Michel

**Coordinación General de Servicios a Universitarios**

Mtro. José Alberto Castellanos Gutiérrez

**Coordinación de Transparencia y Archivo General**

Mtra. Natalia Mendoza Servín

**Oficina del Abogado General**

Mtro. Juan Carlos Guerrero Fausto

**Coordinación de Entidades Productivas para la Generación de Recursos Complementarios**

Mtro. Missael Robles Robles  
Museo de Ciencias Ambientales  
Dr. Eduardo Santana Castellón

**Sistema Universitario de Radio, Televisión y Cinematografía**

Dr. Gabriel Torres Espinoza

**Secretaría de Educación Jalisco**

Mtro. Juan Carlos Flores Miramontes

**Director de Estadística y Sistemas de Información**

Mtro. Bernardo Álvarez Valdez



**INFORME**  
RICARDO VILLANUEVA  
RECTOR GENERAL

2022